



Aningaasaqarnermut Ataatsimiititaq

Oqaluuserisassat

Sisamangorneq 24. novembari 2016 nal. 13.00

Ilaasortat

Asii Chemnitz Narup (IA)

Malene Lyngø (IA)

Ado Holm (IA)

Justus Hansen (D)

Ane Egede Mathæussen (S)

Per Berthelsen (S)

Nikolaj Heinrich (S)



Oqaluuserisassat

1. Oqaluuserisassat akuerineqarnerat.....	4
2. Nalunaarutit	4
3. Ilisimatitsissutit.....	5
03A Nuummit kalaalimineerniarfiit pillungit suliriaqqinnerit	5
03B Meeqqanut, Ilaqutariinnut Atuarfeqarnermullu Ataatsimiititaq angalanera.....	7
4. Apeqquteqaatit.....	9
Soqanngilaq.....	9
5. Aalajangiiffigisassat	10
05A Aningaasaqarnermut Ataatsimiititaq suleriaasia nutartigaq.....	10
05B Café Mik ApS-imut imigassamik tuniniaasinnaanermut akuersissummik type A-mik qinnuteqaat.....	12
05C NanoBaarip Paamiuni imigassamik tuniniaasinnaanermut type B-mik qinnuteqaqqinnera.....	15
05D Godthåb Bryghus, Imaneq 30 B-54-imut uninngatitsivittalerlugu alliliinissamut immikkut ittumik akuersissummik qinnuteqaat.....	18
6. Suliassat Kommunalbestyrelsimi aalajangiiffigisassat	20
06A Akiitsut akiitsunillu akilersuineq pillugit nalunaarusiaq pillugu tusarniaatitsineq.....	20
06B Kommuniq pilersaarutaanut tapiliussamut 1C16-1, Kissarneqqortuunnguaq, siunnersuut	24
06C Qamuteralaat pillugit ileqqoreqqusaq	26
06D Kommuneqarfik Sermersuumi katersortarfiit killiffissiornerisa takussutissartaat	29
06E Nuussuup Mannguani sukisaarsaartarfimmut immikkoortumut pilersaarummut atugassat Aningaasat Atorneqanngitsoortut	31
Sunngiffimmi suliassaqqarfimmut immikkoortumut pilersaarut	31
06F Sport Event Nuuk.....	34
06G 2016 kiffartuussinissamut isumaqatigiissut Nanu Travel ApS	39
06H Siulittaasussamik nutaamik qinersineq	42
7. Immikkoortut matoqqasut.....	45
07A Kommuneqarfik Sermersooq sinnerlugu IMAK aamma Namminersorlutik Oqartussat akornanni isumaqatigiissuteqarneq.....	45
8. Taasariaqartut allat	46



9. Imaqarniliap akuerineqarnera..... 46



1. Oqaluuserisassat akuerineqarnerat

2. Nalunaarutit



3. Ilisimatitsissutit

03A Nuummit kalaalimineerniarfiit pillungit suliriaqqinnerit

Ilisimatitsissut

J.nr.: 22.06

Sanarfinermut Avatangiisinullu Ingerlatsvik - pisortaq Mike Jakob Kristiansen / MJKR

Suliassamik eqikkaaneq

Ukiq ingerlatsiviup ataatsimiisitaliaq siunissami pilersaarutit Nuummi kalaalimineerniarfiit pillungit ilisimatippaa. Ingerlativik Nuummi kalaalimineerniarfiit pillungit suleriaqqinnissami ilisimatitsivoq. Allatut oqaatingalungu, ataatsimiisitaliaami qulequtaq qaqqinneqarmalli susoqarsimaneranik ilisimatitsisoqarpoq.

Suliaq Sanarfinermut Avatangiisinullu Ataatsimiititami 1. novembari oqaluuserineqarpoq, tassanilu inassuteqaatit ataatsimiititami akuersissutigineqarput.

Inassuteqaat

Sanarfinermut Avatangiisinullu Ataatsimiititap Aningaasaqarnermut Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Ukiup aallartinnerani Ataatsimiisitaliaq siunissami kalaaliaqqat ingerlanneqarnissaanut ilisimatinneqarpoq. Ingerlatsiviup Ataatsimiisitaliaq sulineq pillungu ingerlariaqqinnissamut ilisimatippaa. Ingerlatsiviup ataatsimiisutaasimasumi sulinissamut taakkartorneqartumi pilersaarut malippaa, kisianni minnerusumik nikisitsisoqarpoq.

Kalaaliaratoqqaq

Kalaaliaratoqqaq nutaap sananeqarnissaanut pilersaarusionera naammassivoq.

Pilersaarusionioqqissaarnera naattorsuutingineqarpoq ukiup naajartornerani naammassineqassasoq.

Suliat tulliuuttut ingerlanneqartussat

- Sanaartornissaq suliariumannittussarsiuqqassooq totalentreprise naapertorlungu, ukiup naanerani 2016
- Ukiormanna ukiup naalernerani imaluunnit ukiup nutaap 2017 aallartinnerani sanaartorneq aallartissasoq naattorsuutingineqarpoq
- Sanaartorneq ukiup affaa naattorsuutingineqarpoq sivilissuseqassasoq

Kalaaliaraq

Kommunalbestyrelse aalajangernikuuvoq Kalaaliaraq tunineqassasoq.

Kalaaliaraq pilersaarutaavoq december 2016 akittortersineq naapertorlungu tuniniarneqassooq.

Aaqqiissutissatut siunnersuut – suliatigut naliliineq

Sanaartorneq totalentreprise naapertorlungu suliariumannittussarsiuqqassooq. Sanaartorneq sivikittumik ingerlanneqassooq, pilersaarusioneralu naammassippat tuaviortumik sanaartorneq aallartinneqarluni. Aningaasaqarnermut sinaakkutaliunneqarsimasooq malinneqassooq, totalentreprise uani suliarmi pittaanerpaavoq unammillingassat taakkartorneqartut suliarineqassappata.



Ingerlatsiviup qulakkeersimavaa atuisut sanaartornissamut pilersaarusionermi peqataatinneqarnissaat, titartarneqarneratalu inernera atuisut akuerisimavaat.

Aningaasatigut nukissatigullu naliliineq

Taakkutaa allannguuteqanngilaq, ukioq ataatsimiissutissaq qaqqinneqarmat oqaaseqaatit atorneqaqqippit, ataani allassimasoq takuuk.

Suliap ingerlanneqarnera kommune aningaasaqarneranut sunniuteqassanngilaq. Kalaaliaqqap tuninerani isertitat Kalaaliaratoqqap sanaartorneranut pilersaarusioneranullu aningaasartuutit matussusissua.

Inatsisit tunngavigineqartut allagaatillu toqqammavissiisut

Oqaaseqaateqanngilaq.

Ingerlariaqqinnissaq

Taakkutaa qulaani qulequttami 'Suliat tulliuuttut ingerlanneqartussat'-ni taakkartorneqarpoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit suliamut pineqartumut allatut kinguneqarnissaanut allanik oqaaseqaatissaqanngilaq.

Innuttaasunik peqataatsineq/attaveqaqatigiinneq

-

Siusinnerusukkut aalajangerneq

Sanarfinermut Avatangiisinullu Ataatsimiititap aalajangernera marlunngorneq 1. novembari 2016imeersoq:

Sanarfinermut Avatangiisinullu Ataatsimiititap inassuteqaatit akuersissutigai.

Ilanngussaq

Soqanngilaq



03B Meeqqanut, Ilaqutariinnut Atuarfeqarnermullu Ataatsimiititap angalanera

Aalajangiiffigisassaq

J.nr.: 01.02.04

Meeqqanut, Ilaqutariinnut Atuarfeqarnermullu Ingerlatsivik - pisortaq Helene Broberg Berthelsen
Tamanut Kiffartuussivik - pisortaq Marie Fleischer / MFLE

Suliassamik eqikkaaneq

Kommuneqarfik Sermersuumi Meeqqanut, Ilaqutariinnut Atuarfeqarnermullu ataatsimiititaq paasisassarsiorluni angalareerpoq.

Angalaneq 31. aggustimiit 9. septembari 2016 sivissuseqarpoq, tassani Aalborgimut, Torshavnimut Reykjavikimullu angalasoqarluni.

Angalanermi siunertaavoq nunat avannarliit sanilerisatsinni ataatsimiititap akisussaaffeqarfiini arlalinni kommunini aaqqiissutissanik paasiniaaneq. Tamatuma saniatigut suliniutinut nutaanut imaluunniit suliniutit aallartinneqareersut naleqqussarnissaannut isumassarsiorneq.

Ingerlatsiviup angalanermi nalunaarusiaq ilanngussaq ilanngullugu saqqummiuppaa

Suliaq Meeqqanut, Ilaqutariinnut Atuarfeqarnermullu Ataatsimiititami novembarip qulinganni sularineqarpoq, ataatsimiititalu inassuteqaatit akuersissutigai oqaaseqaatigalugu, ataatsimiititap kommunillu siunissami ataatsimiititap angalasarnissaannut atatillugu, angalasiimanernik naliiisarnissartik pikkoriffiginerulissagaat. Kiisalu tusagassiorfinnit eqqaaneqartarnissaq angalanerillu imarisaanik saqqummiussarnissaq, misilittakkallu suut pissarsiarineqartarnersut innuttaasunut saqqummiunneqartarnissaat eqqaamaneqassaaq.

Inassuteqaat

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi Meeqqanut, Ilaqutariinnut Atuarfeqarnermullu ataatsimiititaq paasisassarsiorluni angalareerpoq.

Angalaneq 31. aggustimiit 9. septembari 2016 sivissuseqarpoq, tassani Aalborgimut, Torshavnimut Reykjavikimullu angalasoqarluni.

Angalanermi siunertaavoq nunat avannarliit sanilerisatsinni ataatsimiititap akisussaaffeqarfiini arlalinni kommunini aaqqiissutissanik paasiniaaneq. Tamatuma saniatigut suliniutinut nutaanut imaluunniit suliniutit aallartinneqareersut naleqqussarnissaannut isumassarsiorneq.

Angalanermi peqataasut:

Ataatsimiititap siulittaasua Poul Hansen, Siulittaasup tullia Uju Petersen, Ataatsimiititami ilaasortaq

Ingvar Motzfeldt aamma Ataatsimiititami ilaasortaq Erling Madsen

Oqalutsi Marianne Hansen, Immikkoortortaqarfimmi pisortaq Akannguaq Lennert aamma

Pisortaasimasoq Søren Valbak.

Aaqqiissutissatut siunnersuut – suliatigut naliiineq

Suliniutinut siunnersuutit

1. Aalborgimi Kalaallit Illuanniit attaveqartarnerit
 - a. Nammineq piumassutsiminnik sulisunut Peqatigiiffik Kalaallit meerartaannut pilersaarutit



- b. Meeqqat angerlarsimaffiup avataanut inissinneqarnikut aallaarsimaartittarnissaannut suliassaq
2. Suleqatigiinnerup nukittorsarneqarnissaa (siullermik Aalborg Kommune peqatigalugu) ilaqutariinnut tunngasut, tassani illoqarfiit arlaannut nuuttut
 3. Runvavik-model-i malillugu timersornikkut kulturikkullu naapittarfimmi sumiiffimmi peqataaneq
 4. Meeqqat inuusuttuaqqallu akornanni atornerluinermik pinaveersaartitsineq ((Helgi Eiríksson aamma Haraldur Sigurðsson Island-imi sunngiffimmi ornittakkanut pisortaq)
 5. Meeqqat inuusuttuaqqallu atornerluinerannit katsorsaaneq (Stuðlar, State Adolescent Assessment and Treatment Center. Attavik: Funi Sigurðsson)

Rekjavik-imi attaviit saqqumiisussanik aamma inunnik nukissalinnik aggertitsinissamik neqerooruteqarniarput

Angalanermi siunertaavoq ataatsimiititap akisussaaffeqarfiini arlalinni kommunini aaqiissutissanik paasiniaaneq. Tassani ataatsimiititap immersorneqarnikkut pissarsiaasa ilaanni sorliit isummerfigineqarnissaat, taakkulu suliareqqinneqarnissaat.

Aningaasaqarnikkut sulisoqarnikkullu naliliinerit
Aningaasatigut allaffissornikkullu kinguneqanngilaq.

Inatsisitigut tunngavissaq allakkallu tunngaviusumik uppernarsaatitalit

-

Ingerlariaqqinnissaq

Angerlamut apuutereernerup kingorna ataatsimiinneq siulleq Isumaginninnermut Naalackersuisoqarfiup aamma ulloq unnuarlu angerlarsimaffinnut immikkoortortap akornanni ingerlanneqareerpoq, Namminersorlutik Oqartussat suliassaqarfiisa iluanni meeqqat inuusuttullu atornerluisut qulaajaaffigineqartarfiannik katsorsarneqartarfiannillu pilersitsinissaq pillugu Rekjavik-imi attaviit saqqummiisussanik aamma inunnik nukissalinnik aggertitsinissamik neqerooruteqarniarput

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinneqarnikuunngilaq.

Innuttaasunik peqataatitsineq/attaveqatigiinneq

-

Siusinnerusukkut aalajangerneq

Meeqqanut, Ilaqutariinnut Atuarfeqarnermullu Ataatsimiititap aalajangernera sisamanngorneq 10. novembari 2016imeersoq:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai, ima oqaaseqaatitalerlugit:

Ataatsimiititamit Kommunimillu ataatsimiititap angalanissaanni angalanerup pitsaaneruserumik naliiiffigineqartariaqartoq. Kiisalu tusagassiuutitigut oqaluuserinninnissaq imarisanik saqqummiinissaq innuttaasunillu misilittakkanik pissarsinissaq isumagissallugu.

Ilanngussat

1. Ataatsimiitap angalaneranit nalunaarusiaq



4. Apeqquteqaatit

Soqanngilaq.



5. Aalajangiiffigisassat

05A Aningaasaqarnermut Ataatsimiititap suleriaasia nutartigaq

Aalajangiiffigisassaq

J.nr.: 01.00.03

Tamanut Kiffartuussivik - pisortaq Marie Fleischer / MFLE

Suliassamik eqikkaaneq

Kommunit aqunneqarnerat pillugu inatsisartut inatsisaat nr. 22 18. november 2010-meersoq § 28 imm 2. naapertorlugu Aningaasaqarnermut Ataatsimiititap suleriaasissani nammineq aalajangersassavaa.

Kommunalbestyrelsip suleriaasia nutartigaq Kommunalbestyrelsip juunimi 2016imi akuersissutigaa.

Matumuuna Borgmesterip Allatseqarfiata Kommunalbestyrelsip suleriaasia nutartigaq naapertorlugu Aningaasaqarnermut Ataatsimiititap suleriaasiata nutarterneqarnissaanut siunnersuut saqqummiuppa.

Inassuteqaatit

Borgmesterip Allatseqarfianit Aningaasaqarnermut Ataatsimiititamut inassuteqaatigaa:

- suleriaasissatut siunnersuut akuerineqassasoq

Suliassamik saqqummiussineq

Kommunit aqunneqarnerat pillugu inatsisartut inatsisaat nr. 22 18. november 2010-meersoq § 28 imm 2. naapertorlugu Aningaasaqarnermut Ataatsimiititap suleriaasissani nammineq aalajangersassavaa.

Kommunalbestyrelsip suleriaasia nutartigaq Kommunalbestyrelsip juunimi 2016imi akuersissutigaa.

Matumuuna Borgmesterip Allatseqarfiata Kommunalbestyrelsip suleriaasia nutartigaq naapertorlugu Aningaasaqarnermut Ataatsimiititap suleriaasiata nutarterneqarnissaanut siunnersuut saqqummiuppa.

Aaqqiissutissatut siunnersuut – suliatigut naliliineq

Aningaasaqarnermut Ataatsimiititap suleriaasiani immikkoortut uku nutarterneqarnissaat siunnersuutigineqarpoq:

- § 4. Imm 2. Ataatsimiititami ilaasortaq kinaluunniit kommunip susassaarfii sulluunniit pillugit apeqquteqarsinnaatitaavoq, ataatsimiititap susassaarfiata iluani. Apeqquteqaat naatsuliarineqarsimassaaq ersarissuliarineqarsimassallunilu naatsumillu tunngavilersuutitaqartinneqassalluni. Apeqquteqaat allaganngorlugu apeqquteqaatigineqassaaq Borgmesterillu Allatseqarfianut tunniunneqassalluni.

Borgmesterip Allatseqarfianit apeqquteqaat ingerlatsivimmi pisortamut susassaartumut ingerlateqqisavaa, taassumalu nalilissavaa apeqquteqaat allaffissornikkut akissuteqarfineqarsinnaanersoq. Apeqquteqaatit allaffissornikkut



akissuteqarfigineqarsinnaasut akissuteqarfigineqassapput sapinngisamik ullut 14-it qaangiutsinnagit.

Apeqquteqaat akissuteqarfigineqarsinnaanngippat apeqquteqaat akissuteqarfigiumallugu ataatsimiititamut susassaqartumut ingerlateqqinneqassaaq.

Apeqquteqaatit allaffissornikkut ullut 14-it qaangiussimatillugit akissuteqarfigineqarsimasut ataatsimiititanullu susassaqartunut akissuteqarfigiumallugit ingerlateqqinneqarsimasut pillugit, apeqquteqaateqartoq ilisimatinneqartassaaq.

Apeqquteqaatip assilineri kiisalu akissuteqaatip assilineri nassiussineri kommunalbestyrelsimut ilaasortanut tamanut nassiunneqassapputaaq.

Imm 5 Aalajangiussassatut siunnersuummik oqaluuserisassat nassiunneqareernerisa kingorna aatsaat nassiussisoqassagaluarpat, oqaluuserisassanulli ilanngunneqarsinnaasumik, tapiliussatut oqaluuserisassanngortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassat nassiunneqarnerini tamatigut ileqquusumik oqaluuserisassani immikkoortup imaluunniit immikkoortut pineqartut pillugit tunngavilersuutaa ilanngunneqartassaaq.

Imm 6. Suliassaq ileqquusumik oqaluuserisassanut ilanngullugu nassiunneqarsimanngitsaq imaluunniit oqaluuserisassanut tapiliussanut ilanngunneqarsimanngitsaq oqaluuserineqarsinnaavoq, kinguartinneqarsinnaanngitsutut nalilerneqarpat.

§ 5. Imm 10. Oqaluuserisassat, oqaluuserisassatut siunnersuutit atortussallu kommunimi allaffeqarfimmit suliarineqarsimasut kalaallisut qallunaatullu suliarineqarsimassapput, ilanngussat allatullu atortussat kommunip avataanit suliarineqarsimasut taakku oqaasii atorlugit suliarineqarsimanerisut saqqummiunneqassapput.

Allannguutit kingunerisaannik immikkoortoq apeqquteqaatit peerneqassaaq.

Inatsisitigut tunngavissaq allakkallu tunngaviusumik uppernarsaatitallit
Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Ingerlariaqqinnissaq

Aningaasaqarnermut Ataatsimiititap suleriaasissani akuersissutigissappagu, decembarip 15ianni ataatsimiititami aapassaaneerneqarneraniit atuutilissaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqatigiinneq

Suleriaaseq kommunip nittartagaatigut tamanut nalunaarutigineqassaaq.

Ilanngussat

1. Suleriaasissatut nutaatut siunnersuut



05B Café Mik ApS-imit imigassamik tuniniaasinnaanermut akuersissummik type A-mik qinnuteqaat

Aalajangiiffigisassaq

J.nr. 70.06.00

Tamanut Kiffartuussivik - pisortaq Marie Fleischer / MFLE

Suliassamik eqikkaaneq

Café Mik ApS Lai Johnsen-imit pigineqartoq imigassamik kimikitsunik kimittuunillu tuniniaanissamut akuersissummik type A-mik qinnuteqaat nassiunneqarpoq, eqqumaffigeqquneqarporlu, Aningaasaqarnermut Ataatsimiititamit 2013imi aalajangerneqarmat Cafe Mik imigassamik tuniniaanissamut akuersissummik tunineqarnikummat "diner transportable"-mut atatillugu.

Inassuteqaatit

Borgmesterip Allatseqarfianit Aningaasaqarnermut Ataatsimiititamut inassuteqaatigaa:

- Aningaasaqarnermut Ataatsimiititamit Café Mik Aps v/Lai Johnsen imigassamik kimikitsunik kimittuunillu tuniniaanissamut akuersissummik type A-mik qinnuteqaataa akuersissutigeqqullugu

Suliassamik saqqummiussineq

Borgmesterip Allatseqarfiani qinnuteqaat Cafe Mik ApS-imit, B-2209, Industrivej 4, 3900 Nuuk, Lai Johnsen-imit pigineqartoq imigassamik kimikitsunik kimittuunillu tuniniaanissamut akuersissummik type A-mik qinnuteqaat tiguneqarpoq. Qinnuteqaateqartoq 2013imili imigassamik tuniniaanissamut akuersissummik tunineqarnikuvoq diner transportable-mut atatillugu, imigassap pillugu inatsimmi § 10 naapertorlugu.

Cafe Mik-imit qinnuteqaat oktobarip 11anni 2016imeersoq:

"Maannakut imigassamik tuniniaasinnaanermut akuersissut pigisarput novembarip naaneranut 2016 atorunnaassaaq taamaattumik nutarternissaa qinnuteqaatigaarput. Nutarternissaanulli atatillugu piffissami aggersumi pisiniarfiutitsinnut pitsaaqutaassaaq, akuersissut pigisarput nutaaq nalinginnaasumik type A-jussappat, pisiniarfinni nalinginnaasuni imigassamik nioqquteqarnermut atatillugu ammasarfiit atuutsillugit. Pisiniarfiuterput Industrivej-imiittoq ammasarpoq ataasinngornermiit tallimangornermut, arfininngornermi ullaap tungaani, sapaatini ullunilu nalliuttorsiorfiusuni matoqqasarpoq.

Neriutigaara kommunalbestyrelse allannguummut paasinnikkumaartoq.

Ilannguppara maannamut akuersissut atuuttoq.

Tusaqqinnissarsi qilanaarivara

Inussiarnersumik inuulluaqqusillunga

Lai Johnsen

Cafe Mik"

Qatserisartoqarnermut oqartussaasut sumiiffik takuniarpaat oqaaseqaatissaqanngillallu.

Sumiiffiit pineqartut pillugit politiinut naammagittaalliuteqartoqaranilu oqaaseqaateqartoqanngilaq.

Borgmesterip Allatseqarfianit paasissutissat pisariaqartut tamaasa, ingerlatseqatigiiffinnut siullermeertumik imigassamik tuniniaasinnaanermut akuersissuteqarfigineqarnissamik qinnuteqaammik type A-mik tuniniaasinnaanermut qinnuteqaammut tunngasut tiguneqarput.



Inatsisilerituumit nassuiaat naapertorlugu, itigartitsisoqartarnerani itigartitsissutip aallaaviatigut qaqugu nalunaarutigineqassanersoq allaaserineqarpoq:

- Suliffeqarfinni kantiinat imigassaqaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffi aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaalliisartut imigassanik kimikitsunik sassaallertarnissaat Kommunalbestyrelsimit aalajangerneqarsinnaavoq.

Inatsisilerituutaaq nassuiaatigaa, ingerlatsisussaataitanermut assigiimmik tunngaveqarnissaq Kommunalbestyrelsimit qanoq unioqutitsisoqarani saneqqunneqarsinnaanersoq:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusionsorneqarnera naapertorlugu itigartissallugit nalunaarfigisinnaavai.
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaallillutillu sakkortuumik sassaalliiniarnerat pisinnaasoq annilaanngatigineqarsinnaammat.

Pisuni allani imigassartunnginnermik siuarsaanissamut tulluurtuusut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaannullu allanut qanittumi inissisimappata, taakkuummatami inuusuttunit ornigarneqarluartut.

Aaqqiissutissatut siunnersuut – suliatiqut naliliineq

Borgmesterip Allatseqarfianit paasisutissat pisariaqartut tamaasa, ingerlatseqatigiiffinnut siullermeertumik imigassanik tuniniaasinnaanermut akuersissummik qinnuteqaammut tunngasut tiguneqarput. Borgmesterip Allatseqarfiata nalilerpaa, Café Mik-imit, Lai Johnsen-imit pigineqartup imigassanik taama ittunik nioqquteqarnissamut akuersissummik pigisaqarnissamut piunasaqaatit naammassineqartut.

Nutaamik qinnuteqaat pineqarmat, Aningaasaqarnermut Ataatsimiititamit akuerineqarpat tamatuma malitsigissavaa Kommuneqarfik Sermersuumi type A-nik akuersissutinik pigisallit amerlineri. Tamatumali illuatungerissavaa diner transportable-mut tunngatillugu imigassanik kimikitsunik kimittuunillu aalakoornartortalinnik nioqquteqarsinnaanermut Cafe Mik-imut akuersissut ulloq novembarip 30anni 2016imi qaangiuttussaanera.

Aningaasaqarnikkut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Inatsisitigut tunngavissaq allakkallu tunngaviusumik uppersaatitallit

- Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq aamma Inatsisartut inatsisaat nr. 3, 31. maj 2001-imeersoq
- Inuit imigassanik aalakoornartulinnik nioqquteqartarfiit sassaallertarfiillu aaqqiissuunneqarneri atornerarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulit Oqartussat nalunaarutaat nr. 4, 4. marsi 2011-meersoq



Ingerlariaqqinnissaq

Aningaasaqarnermut Ataatsimiititap akuersineratigut Café Mik Lai Johnsen-imit pigineqartoq imigassanik nioqquteqarnissamut akuersissummik type A-mik malittarisassat periutsillu atuuttut naapertorlugit tunineqassaaq. Borgmesterip Allatseqarfia imigassanik tuniniaasinnaanermut sassaallertarnermullu akuersissutitut atatillugu allaffissorneq akisussaaffigaa. Aningaasaqarnermut Ataatsimiititap itigartitsissutigissappagu qinnuteqaateqartoq borgmesterip allaffianit aalajangiineq pillugu ilisimatinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

-

Ilanngussat

Soqanngilaq



05C NanoBaarip Paamiuni imigassamik tuniniaasinnaanermut type B-mik qinnuteqaqqinnera

Aalajangiiffigisassaq

J.nr. 70.06.00

Tamanut Kiffartuussivik - pisortaq Marie Fleischer / MFLE

Suliassamik eqikkaaneq

NanoBaari Jonna Olesen-imit pigineqartoq imigassamik tuniniaanissamut akuersissummik qinnuteqaqqissimavoq.

2013imi NanoBaari imigassamik kimittuunik tuniniaasarnissamut sassaallertarnissamullu akuersissummik type A-mik akuersissuteqarfigineqarpoq. NanoBaari bariummat, qinnuteqartoq imigassamik kimittuunik sassaalliisinnanermut akuersissummik type B-mik akuersissummik tunineqarsimasussaagalarpoq.

Inassuteqaat

Borgmesterip Allatseqarfianit Aningaasaqarnermut Ataatsimiititamut inassuteqaatigaa:

- NanoBaari Jonna Olesen-imit pigineqartup imigassamik tuniniaanissamut type B-mik akuersissummik tunineqarnissaata akuerineqarnissaa

Suliassamik saqqummiussineq

Borgmesterip allatseqarfia, NanoBaari Illoqarfiup Qeqqa, B-287, 3940 Paamiut Jonna Olesenimit imigassamik tuniniaasinnaanermut akuersissutip nutarternissaanut qinnuteqaammik tigusaqarsimavoq, tamakkuli allafteqarfinni suliarineqartarput.

Ajornartorsiutaavorli, 2013-mi kommunip NanoBaari imigassamik kimittuunik kimikinnernillu tuniniaasinnaanermut akuersissummik (type A) tunereersimammagu. Imigassanut tuniniaasinnaanermut akuersissut taanna, imigassamik kimittuunik kimikinnernillu tuniniaasinnaatitsivoq taamaattumillu pisiniarfinnut niuertarfinnullu tuniniaasunut assigisaannullu taamaallaat akuersissutigineqartarluni.

Uani suliami pineqarpoq baari nuannaarniarlutik isersimasunut imigassallertoq, taamalu Aningaasaqarnermut Ataatsimiititap qinnuteqartoq imigassamik tuniniaasinnaanermut akuersissummik type B-mik, imigassamik kimittuunik kimikitsunillu sassaallersinnaanermut akuersissummik tunineqassanersoq aalajangiiffigissavaa.

Qatserisartoqarnermut oqartussaasut sumiiffik takuniarpaat oqaaseqaatissaqanngillallu. Sumiiffiit pineqartut pillugit politiinut naammagittaalluteqartoqaranilu oqaaseqaateqartoqanngilaq. Imigassamik aalakoornartortalinnik nioqquteqarsinnaanermut akuersissummik qinnuteqarnermut paasissutissat tamaasa Borgmesterip Allatseqarfianit tiguneqarput.

Inatsilerituumit nassuiaat naapertorlugu, itigartitsisoqartarnerani itigartitsissutip aallaaviatigut qaqugu nalunaarutigineqassanersoq allaaserineqarpoq:

- Suliffeqarfinni kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffi aamma grillbarit sassaalliisarfiillu assigisaat imigassamik kimittuunik tuniniaasussaasariaqanngillat. Taamaattorli sassaallertartut imigassamik kimikitsunik sassaallertarnissaat Kommunalbestyrelsimit aalajangerneqarsinnaavoq.



Inatsisilerituutaaq nassuiaatigaa, ingerlatsisussaataitanermut assigiimmik tunngaveqarnissaq Kommunalbestyrelsimit qanoq unioqutitsisoqarani saneqqunneqarsinnaanersoq:

- Najugaqarfiit eqqaanni sassaallertarfiit nutaat Kommunalbestyrelsimit illoqarfiup pilersaarusiorneqarnera naapertorlugu itigartissallugit nalunaarfigisinnaavai.
- Sumiiffinni arlalinnik sassaallertarfeqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaallertartumik akuersissutinik peqartut akornanni unammillernissaasa annertusinissaat taamaalillutillu annertuumik sassaallertarnerat pisinnaasoq annilaanngatigineqarsinnaammat.

Pisuni allani imigassartunnginnermik siuarsaanissamut tulluurtuusut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit sassaallerniartunut itigartitsisoqarsinnaavoq, assersuutigalugu timersortarfiit assigisaannullu allanut qanittumi inissisimappata, taakuummatami inuusuttunit ornigarneqarluartut.

Aaqqiissutissatut siunnersuut – suliatigut naliliineq

Uani suliama baari isersimasunut imigassamik sassaallertartoq pineqarpoq, ersaripporlu tuniniaasinnaanermik akuersissut B imigassanik kimittuunik kimikitsunillu tuniniaasinnaaneq imigassamut inatsimmi § 3, imm. 3, nr. 2 allassimasumik tunngaveqartoq.

Borgmesterip allatseqarfiata suliama attuumassutillit paasissutissat pisimavai, taakkulu naliliipput NanoBaari Jonna Olesenimit pigineqartoq imigassamik tuniniaanissamut akuersissummut type B-mut piumasaqaatinut naammassinnittoq.

Aningaasaqarnikkut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Inatsisitigut tunngavissaq allakkallu tunngaviusumik uppernarsaatitalit

- Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq aamma Inatsisartut inatsisaat nr. 3, 31. maj 2001-imeersoq
- Inuit imigassanik aalakoornartulinnik nioqquteqartarfiit sassaallertarfiillu aaqqiissuunneqarneri atornerarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulit Oqartussat nalunaarutaat nr. 4, 4. marsi 2011-meersoq

Ingerlariaqqinnissaq

Aningaasaqarnermut Ataatsimiititap akuersineratigut NanoBaari Jonna Olesen-imit pigineqartoq imigassanik nioqquteqarnissamut akuersissumik type B-mik malittarisassat periutsillu atuuttut naapertorlugit tunineqassaaq. Borgmesterip Allatseqarfia imigassanik tuniniaasinnaanermut sassaallertarnermullu akuersissutinut atatillugu allaffissorneq akisussaaffigaa.

Aningaasaqarnermut Ataatsimiititap itigartitsissutigissappagu qinnuteqaateqartoq borgmesterip allaffianit aalajangiineq pillugu ilisimatinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.



Kommuneqarfik Sermersooq
Aningaasaqarnermut ataatsimiititaq

Ulloq: 24. nov. 2016
Qup. | 17

Innuttaasunik peqataatsineq/attaveqaqatigiinneq

-

Ilanngussat

Soqanngilaq



05D Godthåb Bryghus, Imaneq 30 B-54-imut uninngatitsivittalerlugu alliliinissamut immikkut ittumik akuersissummik qinnuteqaat

Aalajangiiffigisassaq

J.nr.: 18.01/ 1C8-3

Sanarfinermut Avatangiisinullu Ingerlatsivik - pisortaq Mike Jakob Kristiansen / MJKR

Suliassamik eqikkaaneq

I/S Juhl & Tang Imaneq 30-mi inissimasumut B-54-imut uninngatitsivittalerlugu alliliinissamik kissaateqarput.

Allilernerá immiaaqqanut uninngatitsivittut atorneqarusuppoq.

Nunaminertanut Illuliornermullu oqartussat sanilínut B-1753, kigutíleriffimmit tusarniaassummik akissuteqarfígíneqarput.

Sulíaq Sanarfinermut Avatangiisinullu Ataatsimiitami 15. novembari oqaluuseríneqarpoq, tassanilu inassuteqaatit ataatsimiitamit akuersissutigíneqarput.

Inassuteqaat

Sanarfinermut Avatangiisinullu Ataatsimiitap Aningaasaqarnermut Ataatsimiitamut inassuteqaatigaa:

- ataatsimiitap immikkut ittumik akuersissuteqarfígeqqulluni qinnuteqaat akuersissutigíssagaa

Suliassamik saqqummiussíneq

B-54 kommunimut pílsaarummut tapíliussami inissímavoq 1C8-6.

Nunaminertamut qinnutigíneqartumut KPT 1C8-6 malíllugu sanaartorfíssatut toqqarneqanngílaq, taamaattorli soqutigíneqartoq B, ílanngusaaq 3 malíllugu attoqíllassavaa, taannalu bíilínut unittarfíliorníssamut aamma aqqusínermut naatsorsuusaaavoq.

Qinnuteqaateqartut ínaalítsívíssamut 117 m allíliiníssamik qinnuteqarput.² Qinnuteqaammút tunngavílersuutigíneqartoq tassaavoq Godthåb Bryghus-í ímmíaaqqanut ínaalítsívíssamik písaríaqartíssímmat.

Sanílinut tusarníaanermi kigutíleríffík qinnuteqaammút ákerlíliinngílaq, allílíneq íllup píoreersup qutsíssusaa qaangerneqassanngíppat.

Aaqqííssutíssatut síunnersuut – sulíatígut nálílíneq

B-54-imut allíliiníssap títagartaani sanílinut eqqaanullu ataatsímút ísígálugu ákornútaassanngílaq.

Nunaminertanut Oqartussaqarfiup immikkut ittumik qinnuteqaatíp ákueríneqarníssaa inassuteqaatigaa.

Aningaasaqarníkkut sulísoqarníkkullu nálílínerít

Soqanngílaq

Inatsísitígut tunngavíssaq allakkallu tunngavíusumík uppéarnarsaatíllít

Nuummí ílloqarfiup qeqqanut Kommunimut pílsaarummut tapíliusaaq 1C8-6.

Pílsaarusíorneq aamma nunaminertat atorneqartarnerat píllugít Inatsíisartut ínatsísaat nr. 17, 17. november 2010-ímeersoq.

Sermersooq2024.gl (Kommunimut pílsaarut)



Ingerlariaqqinnissaq

Suliaq Sanarfinermut Avatangiisinullu Ataatsimiititami aamma Aningaasaqarnermut Ataatsimiititami eqqartorneqassasoq.

Tamatuma kingorna Nunaminertanut Sanaartornermullu Oqartussaqaarfimmit alliliinissamut nunaminertamik atugassiissutigineqassasoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqaanngilaq.

Innuttaasunik peqataatitsineq/attaveqaqatigiinneq

-

Siusinnerusukkut aalajangerneq

Sanarfinermut Avatangiisinullu Ataatsimiititap aalajangernera marlunngorneq 15. novembari 2016imeersoq:

Sanarfinermut Avatangiisinullu Ataatsimiititap inassuteqaatit akuersissutigai.

Ilanngussat

1. Nuummi illoqarfiup qeqqanut Kommunimut pilersaarummut tapiliussaq 1C8-6.
2. I/S Juhl aamma Tang-imit, B-54 Godthåb Bryghus titartagartalerlugu immikkut ittumik qinnuteqaat.
3. Alliliinissamit titartakkat
4. Sanilinut B-1753-imut kigutit nakorsaanerannit akissut



6. Suliassat Kommunalbestyrelsimi aalajangiiffigisassat

06A Akiitsut akiitsunillu akilersuineq pillugit nalunaarusiaq pillugu tusarniaatitsineq

Ilisimatitsissut

J.nr.: 00.03.02

Isumaginninnermut, Suliffeqarnermut Inuusutissarsiornermullu Ingerlatsivik - pisortaq Grethe H. Nielsen / GRNI

Suliassamik eqikkaaneq

Isumaginninnermut, Suliffeqarnermut Inuusutissarsiornermullu Ingerlatsivik septemberimi 2016 Aningaasaqarnermut Naalaakkersuisoqarfimmit (OED) tusarniaanermut atugassanik pissarsivoq pisortat ingerlataanni akiitsut akiitsunillu akilersuineq pillugit. Oktoberip 20-at 2016 tusarniaanermut killigitinneqarpoq.

Ingerlatsiviup tusarniaassutit misissorsimavai aammalu Isumaginninnermut, Suliffeqarnermut Inuusutissarsiornermullu Ataatsimiititami politikkikkut oqaluuserineqareermat tusarniaanermut akissuteqaat Aningaasaqarnermut Naalakkersuisoqarfimmut nassiullugu

Suliaq Isumaginninnermut, Suliffeqarnermut Inuusutissarsiornermullu Ataatsimiititami oktobarip 17-iaanni oqaluuserineqarpoq, ataatsimiititallu inassuteqaatit akuersissutigai ilassutigalugulu, suliaq Aningaasaqarnermut Ataatsimiititamut Kommunalbestyrelsimullu ilisimatitsissutitut ingerlateqqinneqassasoq.

Inassuteqaat

Isumaginninnermut, Suliffeqarnermut Inuusutissarsiornermullu Ataatsimiititap Aningaasaqarnermut Ataatsimiititamut inassuteqaatigaa

- Aningaasaqarnermut Naalakkersuisoqarfimmut tusarniaanermut akissuteqaat suliarineqarsimasoq tusaatissatut tiguneqassasoq
- Tusarniaanermut akissut Kommunalbestyrelsimut ilisimatitsissutitut ingerlateqqinneqassasoq.

Suliamik saqqummiussineq

Isumaginninnermut, Suliffeqarnermut Inuusutissarsiornermullu Ingerlatsivik septemberimi 2016 Aningaasaqarnermut Naalaakkersuisoqarfimmit (OED) tusarniaanermut atugassanik pissarsivoq pisortat ingerlataanni akiitsut akiitsunillu akilersuineq pillugit. Oktoberip 20-at 2016 tusarniaanermut killigitinneqarpoq.

Akiitsut akiitsunillu akilersuineq pillugit nalunaarusiaq UKA 2015-imi aalajangiiffigisassatut siunnersuummik akuersissuteqarnermit tunngaveqarpoq, siunnersuisoqarfimmik inunnik akiitsoqartunik siunnersuisinnaasunik ikiuisinnaasumillu pilersitsinissamut periarfissat pillugit Naalakkersuisut peqquneqarnissaannik nalunaarusiussasut. Siunertaasusaaq tassaavoq akiitsut annikillisarniarlugit immikkut ilisimasallit ikiortigalugit akiitsoqartunik akeqanngitsumik siunnersuisarnissaq.

Sammisaq taanna nalunaarusiami ilanngunneqarpoq siammasinneralunili, tassami inuiaqatigiinni akiitsunut amerlaqisunut tunuliaqutaasoq ersersinniarneqarmat aamma akiitsut akiligassanut



sorlernut tunngassuteqarnersut, qanoq isertitaqqortutigisut akiligassaqarnersut, sumi najugaqarneq aamma suliassaqarfik pillugu inatsisinut attuumassuteqartut.

Taamaaliornikkut erseqqississaaq assigiinngisitaartumik periuseqarnissaaq pisariaqartinneqartoq ajornartorsiutip annikillisinnaasanut inerniliussassanik ujartuinissami. Ilaatigut akiitsulinnut akiliisinnaagaluarlutik akileerusunngissuseqartunut, ilaatigullu akileerusukkaluarlutik akiliisinnaassuseqanngitsunut.

Pisortat ingerlataat innuttaasunik pisariaqartitsisunik siunnerfilimmik ikiutissaaq aammali innuttaasunut tulluurtunik piumasaqaateqartassaaq taamaaliornikkut innuttaasut namminneq akissusaanerat imminnullu naleqartinnerat pilersinneqaqqilluni. Innuttaasut namminneq akissaqartariaqarput namminnerlu ajornartorsiutiminnit sapinngisamik aniguiarnissaminnut ikiorneqarlutik. Saniatigut innuttaasut ikiorneqarnissamik pisariaqartitsivinngitsut aamma kiffartuussinernik pissarsiarisaminnut akiliisinnaassuseqartut taamannak ingerlatsinissaannut kaammattorneqassapput inunnik isumaginninnermik aaqqissuussanut suliaqutsersuutaagatik taakkuami aningaasatigut sulisoqarnikkullu tatisimaneqarmata.

Innuttaasut akiitsuisa ikilisinneqarnissaat aamma akiitsut amerliartuinnarnissaat pillugu pitsaaliuinissaaq politikikkut iliuusissani aallaaviussaaq. Nalunaarusiap aamma ersersippaa suliassaaq imaasiallaannaq naammassineqarsinnaanngitsoq. Suliassaqarfiit arlallit aalajangersimasumik suliniarfigineqartariaqarnerannik ersersitsivoq, ilaat ajornanngitsumik ingerlanneqarsinnaallutik allalli inatsisitigut suliaqaqqinnermut attuumassuteqarlutik suliareqqinneqartariaqarlutik pingaartumik inunnik isumaginninnermi aamma ineqarneq pillugu suliassaqarfimmi.

Innersuussutip ilaattut siunnersuinnermik annermik ingerlatsinissamik misilliisoqarnissaa ilaavoq, taamaaliornikkut nunatsinnut naleqquttumik akiitsut pillugit ajornartorsiummik aniguiinissamut atorqeersinnaasumik misilittakkanik katersisoqarsinnaaqqullugu. Nalunaarusiap ersersippaa siunnersuinnermik suliniarnerup annertusarneqarnera kisimi naammannngitsoq aamma suliniut taanna akiitsut amerlasoorujussuit pitsaaliornissaannut ikilisarnissaannullu maanna pisariaqarnerpaajunngitsoq.

Ingerlatsivimmit tusarniaassutaasoq misissorparput aamma tusarniaanermut akissummik suliaqarumavugut sammisaaq ataatsimiititami politikikkut suliarineqareerpat.

Tusarniaanermi akissummi kommunip innuttaasut pisortanut akiitsuisa qaffakkiartuinnarnerannik ernummatini erseqqissaatigaa.

Kommunimi pitsaasutut isigaarput, pisortanut akiitsunik pitsaaliuinissamut ikilisaanissamullu tunngatillugu nalunaarusiami assigiinngisitaartumik ingerlatseriaaseqarnissaaq pisariaqartutut nalilerneqarmat, tassunga ilanngullugit innuttaasut akileerusunngissuseqartut aamma akiliisinnaassuseqanngitsut immikkoortillugit eqqarsaatersuutit.

Kommunimit akiitsulinnut siunnersorneqarnissamut neqeroorummik pilersitsinissamik suliniutip aallartisarniarneqarnera, aamma isumaqataavugut siunnersorneqarnermik suliniut kisimiilluni naammannngitsoq.

Kommunimit iluarisimaaarparput pisortanut akiitsut ikilisinnaarlugit pitsaanerusunik aaqqissuussinernik pilersitsinissamik kissaateqarneq, ilaatigut akiitsut pillugit siunnersuinerit assigiinngitsut, soorlu inuit namminneq aningaasaqarnerat ilinniarfinni ilinniartitsissutigineqartarnissaa, aningaaserivinnik annermik suleqateqarluni akilersuisitsinernik



assigiinngitsunik aaqqissuussinerit, soorlu Kommuneqarfik Sermersuumi utoqqarnut missingersuusiormik aaqqiissummut assingusut.

Taakkua saniatigut kommunimit tapersorsorneqarpoq nuna tamakkerlugu siunnersuinermik ingerlatsivimmik pilersitsisoqarsinnaanera.

Taamatutaaq kommunimit isumaqataaffigineqarpoq, Namminersorlutik Oqartussat aaqqiissutinut tunngatillugu inatsisinik naapertuuttunik suliaqarnissaa pisortat ingerlatsinerannut pitsanngorsaatit.

Qitiusumik kontomik llanngaassivik, pilersitsinissaq innuttaasut namminneg inuunerminnut akisussaanerannik nukillaarsaataassutut kommunimit nalilerneqarpoq.

Tusarniaanerup kingorna workshopimik ingerlatsisoqassaaq innersuussutinik erseqqissaanissamik siunertaqarluni. Naalakkersuisut suleqatit naapertuuttut peqatigalugit, taakkununga ilanngullugit kommunit aamma aningaasaqarnermik suliaqarfik peqatigalugit, suliniutissatut erseqqissaatinik saqqummiussissapput nalunaarusiamik Inatsisartunut tunniussinermut atatillugu.

Aaqqiissutissatut siunnersuut – suliatigut naliliineq

Kommuneqarfik Sermersuumit pisortanut akiitsut akiitsunillu akilersuineq pillugit suliniutit nalunaarusiami taaneqartut tapersorsorpai, kommunimit ernummatigineqarmat, inigisanit anisitaanerit qaffariaateqarnerujussuat, 2010-mi anisitaasut 182-iullutik 2016-imi 255-iummata, ilaatigut taakkua nassataannik inooqatigiinnermi inuiaqatigiinnik avissaartitsinermik taamatullu angerlarsimaffeqaangitsut amerliartornerannik kingunipiloqarmata.

Taamatutaaq kommunimit ernummatigineqarpoq Eqqagassalerinermi pisortanut akiitsut amerleriarnarat, 2011-mi akiitsut 16,9 mio.kr.-iullutik 2016-imi 30,0 mio.kr.-iusut. Aamma Akilersuutinut akiitsut amerleriaateqarput, 2011-mi 262,6 mio.-iupput 2016-imilu 344,3 mio. kr.-iullutik.

Kommunimit oqaatigineqassaaq qitiusumik kontomik pilersitsinissamik siunnersuut, llanngaasivik, tassunga innuttaasut aningaasarsiassaak akilerneqarlutik tassanngaanniillu pisortanut akiligassat ilanngaatigineqartarlutik, anisitaasunut atugarissaarnermut pitsaasumik sunniuteqarsinnaasoq taamatullu tamakkiisumik inuiaqatigiit aningaasaqarnerannut.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaatitallit
Soqanngilaq.

Ingerlariaqqinnissaq

Tusarniaanermi akissut Aningaasaqarnermut Naalakkersuisoqarfimmut kingusinnerpaamik oktoberip 20-aanni 2016 nassiunneqareersimassaaq.

Aningaasaqarnermut Allatseqarfimmit oqaaseqaatit

Ingerlatsivimmit nalilerneqarpoq piffissami matumani Aningaasaqarnermut Allatseqarfimmit oqaaseqaatinik pissarsiniarnissaaq naapertuutitngitsooq.

Innuttaasunik peqataatitsineq/Attaveqatigiinneq

Soqanngilaq.



Siusinnerusukkut aalajangerneq

Isumaginninnermut, Suliffeqarnermut Inuussutissarsiornermullu Ataatsimiititap aalajangernera oktobarip 17ianni 2016imeersoq:

Isumaginninnermut, Suliffeqarnermut Inuussutissarsiornermullu Ataatsimiititap inassuteqaat akuersissutigaa oqaaseqaatigalugu, suliaq Aningaasaqarnermut Ataatsimiititamut Kommunalbestyrelsimullu ilisimatitsissutitut ingerlateqqinneqassasoq.

Ilanngussat

1. Tusarniaanermi akissut
2. Akiitsut akiitsunillu akilersuineq pillugu nalunaarusiaq



06B Kommunip pilersaarutaanut tapiliussamut 1C16-1, Kissarneqqortuunnguaq, siunnersuut

Hotelimik alliliineq ataaseq

Aalajangiiffigisassaq

J.nr.: 1801.2016

Sanarfinermut Avatangiisinullu Ingerlatsivik - pisortaq Mike Jakob Kristiansen / MJKR

Suliamik eqikkaaneq

Sanarfinermut Avatangiisinullu Ingerlatsivik Kommunimut pilersaarummut tapiliussamut siunnersuummik suliaqarsimavoq, illut B-2057 aamma B-2367, aamma Hotel Nordbyut ilisimaneqartup illutaasa katinneqarnissaannut allilernissaannullu periarfissiisumik.

Siunnersuutikkut hotelimut sinaakkutissat pitsaanerulissapput, illut eqqaanni nunaminertamik suli sanaartorfiunngitsumik atorluaaneq taamatullu imeqarfiup eqqaani angallannermut tamakkiisumut pitsanngorsaataassalluni.

Suliaq Sanarfinermut Avatangiisinullu Ataatsimiititami 1. novembari oqaluuserineqarpoq, tassanilu inassuteqaatit ataatsimiititami akuersissutigineqarput.

Inassuteqaat

Sanarfinermut Avatangiisinullu Ataatsimiititap Aningaasaqarnermut Ataatsimiititamut inassuteqaatigaa:

- siunnersuut akuerineqassasoq, taamaalilluni sapaatit-akunnerini arfinilinni piffissami 28. novembarimiit 9. januaari 2017imut tusarniaassutigineqarsinnaaqqullugu
- suliaq Kommunalbestyrelsimut ilisimatitsissutiit ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivik Kommunimut pilersaarummut tapiliussamut siunnersuummik suliaqarsimavoq, illut B-2057 aamma B-2367, aamma Hotel Nordbyut ilisimaneqartup illutaasa katinneqarnissaannut allilernissaannullu periarfissiisumik.

Illunik piginnittup piffissami sivisuumi alliliinissani kissaatigisimavaa, hotelimi ineeqqat aamma hotelimi ineqarfiit atormaneqarnerat annertusiartormat.

Kommunimut pilersaarummut tapiliussami angallaneq aamma qulakkeerneqassaaq, Imeqarfiup eqqaani inissiaqarfiup 1A15-Xip siunissami allilernerneqarnissaanut naleqqussarneqarluni, tamannalu Kommunalbestyrelsip februaarip qulingiluanni 2016imi ataatsimiinnerani inaarutaasumik akuerineqarpoq.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsivik naliliivoq suliniutikkut illut eqqaani nunaminertamik sinneruttumik pitsaasumik atorluaasoqassasoq aamma sumiiffimmi aqqusinikkut angallannermi akunnattoorfiusartooq aaqqinneqassasoq.

Illut katinneqarnissaannut allilernerneqarnissaannullu pilersaarut/titartakkat, illunut pioreersunut assinguvoq, taamaattoq siunnersuutikkut qaliata assigiimmik sivinganeqarsinnaanera periarfissaavoq.

Aningaasatigut sulisoqarnikkullu naliliinerit

Illunik piginnittoq sumiiffimmi sanaartorfigissaanermut nammineerluni aningaasartuuteqassammat, suliniut Kommuneqarfik Sermersuumut aningaasatigut kinguneqartitsissanngilaq.



Inatsisitigut tunngavissaq allakkallu tunngaviusumik uppersaatitallit

Pilersaarusiorneq aamma nunaminertanik atuneq pillugit Inatsisartut inatsisaat nr. 17, 17. november 2010-meersoq aamma Kommuniq pilersaarutaa Sermersooq2014.gl.

Ingerlariaqqinnissaq

Kommunimut pilersaarummut 1C16-1-imut siunnersuut piffissami 28. novembarimiit 9. januaari 2017imut tusarniaassutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit siunnersuut pillugu oqaaseqaateqanngilaq.

Innuttaasunik peqataatitsineq/attaveqaqatigiinneq

Oqaatigineqareersutut Kommunimut pilersaarummut tapiliussaqaq 1C16-1 piffissami novembarip 28anniit 2016 januaarip qulingiluaata 2017ip tungaanut tamanut tusarniaassutigineqassaaq.

Siusinnerusukkut aalajangerneq

Sanarfinermut Avatangiisinullu Ataatsimiititap aalajangernera marlungorneq 1. novembari 2016imeersoq:

Sanarfinermut Avatangiisinullu Ataatsimiititap inassuteqaatit akuersissutigai.

Ilanngussaq

1. Kommuniq pilersaarutaanut tapiliussamut siunnersuut 1C16-1



06C Qamuteralaat pillugit ileqqoreqqusaq

Assartuutit motorinik ingerlatillit atorneqarneri pillugit Kommuneqarfik Sermersuumi ileqqoreqqusassatut siunnersuut

Aalajangiiffigisassaq

J.nr.: 1801.2016

Sanarfinermut Avatangiisinullu Ingerlatsivik - pisortaq Mike Jakob Kristiansen / MJKR

Suliassamik eqikkaaneq

Sanarfinermut Avatangiisinullu Ingerlatsivik Kommuneqarfik Sermersuumi atuuttussatut qamuteralaat pillugit ileqqoreqqusassatut siunnersuusiorpoq. Siunnersuummi kommunimi nunaminertat immikkut mianersuunneqartariaqartut nalunaarsorneqarnissaat kissaatigineqarpoq, taamatullu aput angallaviusinnaagallartillugu qamuteralannik angalasinnaaneq ammaaffigeqqullugu.

Suliaq Sanarfinermut Avatangiisinullu Ataatsimiititami 1. novembari oqaluuserineqarpoq, tassanilu inassuteqaatit ataatsimiititami akuersissutigineqarput.

Inassuteqaat

Sanarfinermut Avatangiisinullu Ataatsimiititap Aningaasaqarnermut Ataatsimiititami inassuteqaatigaa:

- Kommuneqarfik Sermersuumi qamuteralaat pillugit ileqqoreqqusamut siunnersuut akuerineqassasoq
- Siunnersuut Kommunalbestyrelsimut akuersissutigineqarnissaanut ingerlateqqinneqassasoq kingornalu Kommunalbestyrelsimi oqaluuserineqareerpat siunnersuut akuersissutigineqartoq sapaatit-akunnerini tallimani tusarsiaassutigineqassasoq

Suliassamik saqqummiussineq

Sanarfinermut Avatangiisinullu Ingerlatsivik Assartuutit motorinik ingerlatillit atorneqarneri pillugit Kommuneqarfik Sermersuumi ileqqoreqqusamik siunnersuusiorpoq. Kommunit kattussuunnerat sioqqullugu kommuniussimasut immikkut tamarmik ileqqoreqqusaqarput, maannali Kommuneqarfik Sermersuumut atuuttumik siunnersuummik ataatsimoorussisumik suliaqartoqarpoq.

Assartuutit motorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013, § 6 naapertorlugu kommunip nunaannarmi ukiuunerani assartuinermut aqqutissat kiisalu ukiuunerani angallavissat toqqartorsinnaavai.

Tamannali Kalaallit Nunaanni Pinngortitaleriffiup siunnersuinera naapertorlugu ingerlanneqassalluni.

Pinngortitamut, Avatangiisinut Inatsisinullu Atuutsitsinermut Naalakkersuisoqarfik aamma Pinngortitalerivik suliamut tassunga peqataatinneqarput. Taakkua saniatigut snescooterklubbi Qamutit tusarniaavigineqarput.

Siunnersuut Aningaasaqarnermut Ataatsimiititami Sanarfinermut Avatangiisinullu Ingerlatsivimmut 12. maaji 2016 utertinneqarpoq, tassani nakkutilliususaatitaaneq kiisalu Kinguneqartitsinissamut atuutilersitsinissamullu aalajangersakkat qulaajarneqarnissaat kissaatigineqarmata. Ingerlatsiviup suliaq sukumiisumik misissorpaa, matumuunulu nalunaarutigineqassaaq Kommunalbestyrelse nunami nakkutilliususaatitaasoq aamma Kommunalbestyrelse, unioqqutitsinerup annertussusaa ajoqusiinerulu apeqqutaatillugu annertussusilikkamik, akiliisitsinnaasoq.



Erseqqissaanerit saniatigut ileqqoreqqusami ilanngussaq iluarsineqarpoq, tassani imeqarfiup killeqarfia qitiutinneqarpoq.

Aaqqiissutissatut siunnersuut – suliatigut naliliineq.

Assartuutit motorinik ingerlatillit pillugit ileqqoreqqusami angalaarfigineqarsinnaasut, atorineqarsinnaasut, aalajangiussat nalinginnaasut, immikkut akuersissutit aamma killilersuutit atuutsitsilernissamullu aalajangersaanerit ilanngunneqarsimapput.

Qamuteralaat pillugit ileqqoreqqusaliorneq anguniarneqarpoq, nuna apummik manngertumik minnerpaamik 10 cm. issussusilimmik matuneqarsimatillugu imaluunniit apummik aqitsumik minnerpaamik 20 cm. issussusilimmik matuneqarsimatillugu, aputillu pissusaa imaalluni naasunut nunamullu ajoqusiivissinnaanani angalanissaq inerteqqutaanngilaq. § 7-imi aalajangersakkat nalinginnaasut takukkit.

Ilanngussani taamaallaat nunaminertat angalaarfigineqarpoq aalajangersakkat ilanngunneqarsimapput, sinnera angalaarfigineqarsinnaavoq maleruagassaliorneq peqqussutit atuuttut naapertorlugit.

Sanarfinermut Avatangiisinullu Ingerlatsivimmit nalilerneqarpoq maleruagassaliorneq oqariartuutaasoq pitsaasoq Nunaminertat innarlitsaaliorneqartussat pillugit taamatullu takornariartitsinermi periarfissat eqqarsaatigalugit.

Politikkikkut kissaatigineqartutut ileqqoreqqusami aamma illoqarfimmi nunaqarfimmilu angallanneq aammalu angallanermut piffissat ilaatinneqarput. Takuuk §9 imm. 2.

Aningaasaqarnikkut sulisoqarnikkullu naliliinerit

Ileqqoreqqusassaalerumaartoq Kommuneqarfik Sermersuumut aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

Assartuutit motorinik ingerlatillit atorineqarneri pillugit Namminersorlutik Oqartussat nalunaarutaat nr. 10, 10. oktober 2013.

Ingerlariaqqinnissaq

Ileqqoreqqusamut siunnersuut kommunalbestyrelsimi oqaluuserineqarnerata kinguningua sapaatit-akunnerini tallimani tamanut tusarniaassutigineqassaaq. Ileqqoreqqusaaq inaarutaasoq politikikkut ataatsimiititanut aggustimi saqqummiunneqassaaq, tamatuma kingorna tamanut saqqummiunneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit siunnersuut pillugu oqaaseqaateqanngilaq.

Innuttaasunik peqataatsineq/attaveqaqatigiinneq

Siunnersuut sapaatit-akunnerini tallimani tusarniaassutigineqassaaq.

Siusinnerusukkat aalajangerneq

Sanarfinermut Avatangiisinullu Ataatsimiititaq aalajangernera marlunngorneq 1. novembari 2016imeersoq:

Sanarfinermut Avatangiisinullu Ataatsimiititaq inassuteqaatit akuersissutigai.



Ilanngussat

1. Ileqqoreqqusassatut siunnersuut ilanngussallu
2. Assartuutit motorinik ingerlatillit atornerqarneri pillugit Namminersorlutik Oqartussat nalunaarutaat nr. 10, 10. oktober 2013-meersoq



06D Kommuneqarfik Sermersuumi katersortarfiit killiffissiornerisa takussutissartaat

Ilisimatitsissut

J.nr.: 09.00

Tamanut Kiffartuussivik - pisortaq Marie Fleischer / MFLE

Suliassamik eqikkaaneq

Borgmesterip kissaateqarneratigut Borgmesterip Allatseqarfia Kommuneqarfik Sermersuumi katersortarfiit tamaasa takussutissartaannik suliaqarpoq, tamatumunnga katersortarfiit illutaasa qanoq inneri sumullu atorneqartarneri ilanngullugu. Takussutissiami assersuutigalugu katersortarfiit sorliit Kommunimi pigineqarnerisut aammalu katersortarfiit sorliit nutartertariaqarnerisut sukkasuumik takuneqarsinnaavoq.

Suliaq Meeqqanut, Ilaqutariinnut Atuarfeqarnermullu Ataatsimiititami 10. oktobari oqaluuserineqarpoq, tassanilu inassuteqaatit ataatsimiititami akuersissutigineqarput.

Inassuteqaat

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Takussutissami ilanngunneqartumi (ilanngussaq 1) Kommuneqarfik Sermersuumi katersortarfiit tamakkerlugit, aamma illutai qanoq innersut, sumullu atorneqartarnerisut takuneqarsinnaavoq.

Ilanngussaq 1-mi takuneqarsinnaasutut Kommuneqarfik Sermersooq katersortarfinnik pingasunik pigisaqarpoq: Tasiilami, Paamiuniaamma Qoornumi.

Ittoqqortoormiini Qeqertarsuatsiaanilu katersortarfiit nammineq pigineqartut isaterneqarsimapput ajorsilluinnarsimallutilluunniit, illut allat kommunip pigisai katersortarfittut atorneqartariaqalersimallutik. Ittoqqortoormiini illu kommunip pigisaa sullissivittut/ataatsimoorfittut atorneqarpoq, Qeqertarsuatsiaanilu atuarfiup timersortarfia katersortarfittut atorneqarluni.

Ilanngussaq 1mi takuneqarsinnaasutut Kommuneqarfik Sermersooq katersortarfinnik tallimanik pigisaqarpoq: Tasiilami, Paamiuni, Ittoqqortoormiini, Qoornumi Qeqertarsuatsiaanilu. I Qeqertarsuatsiaani atuarfiup timersortarfia katersortarfittut atorneqarpoq, taamaattumillu kommune piginittutut aamma taaneqarluni.

Katersortarfiit imminnut pigisut nunaqarfinnut aningaasaliissutinit, ininik atukkiussinernit kioskimillu isertitanit aningaasalersorneqarput. Katersortarfiit imminnut pigisut nutarternissaannut kommune atortussanik pisisarsimavoq, assersuutigalugu Arsummi Kulusummilu, aammalu katersortarfinni immiut pigisuni piffissami aalajangersimasumi pilersaarusiukkamik aserfallatsaaliinermut (PPV-mut) atatillugu iluarsaassisarsimalluni.

Aaqqiissutissatut siunnersuut – suliaticigut naliliineq

Ataatsimut isigalugu katersortarfiit aserfallannikooqaat, illullu aserfallatsaalinissaannut aningaasassaqaartannginnermik malunnarlutik imaluunniit aserfallatsaaliinissaq allatut pingaarnertinneqassanani. Tamanna pingaartumik katersortarfinni nammineq pigisumi takussaavoq.



Iserit-ip septembarip aallaqqaataani 2015imi katersortarfiit kommunimit pigineqartut aqutarilerpai, tamatumani taarsersuinissamik/nutarterinissamik pisariaqartitsisoqarnerseq, aammalu paarsinerluttoqarsimappat tamakku qanoq annertutiginersut nalilersorneqassammat. Kommunimi katersortarfiit tamaasa maannakkorpiaq Iserit-ip misissorpai/takuniaaffigai. 2017imi upernaakkut tamakkiisumik malinnaaffigineqarsinnaalernissaat naatsorsuutigineqarpoq, tamatumunnga ilanngullugu katersortarfiit ataasiakkaat nutarterneqassappata qanoq aningaasartuuteqarfigineqassanersut. Aamma katersortarfiit imminnut pigisut takuniarnissaat nalunaarsorneqarnissaallu Iserit-ip anguniarpaa, kommunimit tiguneqartussanngorlugit imaluunniit peqatigiiffiit aningaasaliissutinik sunik qinnuteqaateqarsinnaaneriniq nalilersuiteqqullugit.

Katersortarfinnut kommunimit pigineqartunut, ukiumut kvadratmeterimut piffissami aalajangersimasumi pilersaarusiukkamik aserfallatsaaliinermut (PPV-mut) illikartitsisoqartarpoq, aammalu illut atorineqartut assigiissaakkanik aserfallatsaaligasuagassanut kvadratmeterimut 78 kr.-nik illikartitsisoqartarpoq.

Taamaasilluni katersortarfiit aserfallatsaalineqarnissaannut paarinerlunneqarnerat pinnagu illikartitsisoqartarpoq, tamakku annertunerusunik nutarteriffiusariaqartarmata. Paarsinerlunneq pissutigalugu nutarterinernut atatillugu, aningaasanik qinnuteqartoqassaaq.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppernarsaatitallit
Soqanngilaq.

Ingerlariaqqinnissaq
Borgmesterip Allatseqarfiata takussutissaq ingerlatsivinnut susassaqartunut nassitutissavaa.

Aningaasaqarnermut Allatseqarfimmit oqaaseqaatit

Suliami matumani Aningaasaqarnermut Allatseqarfimmut oqaaseqaatinik pissarsiniarnissaq pisariaqanngitsoq Borgmesterip Allatseqarfiata nalilerpaa.

Innuttaasunik peqataatitsineq/attaveqaqatigiinneq

Soqanngilaq.

Siusinnerusukkut aalajangerneq

Meeqqanut, Ilaqutariinnut Atuarfeqarnermullu Ataatsimiititap aalajangernera sisamanngorneq 10. novembari 2016imeersoq:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai.

Ilanngussat

1. Kommuneqarfik Sermersuumi katersortarfiit pillugit takussutissaq



06E Nuussuup Mannguani sukisaarsaartarfimmut immikkoortumut pilersaarummut atugassat Aningaasat Atorneqanngitsoortut

Sunnigiffimmi suliassa qarfirmut immikkoortumut pilersaarut

Aalajangiiffigisassaq

J.nr.: 22.02.01

Tamanut Kiffartuussivik - pisortaq Marie Fleischer / MFLE

Suliassamik eqikkaaneq

Kajumissutsimik suliaqartunut illoqannginnersamik ammasuunngitsunillu sammisassanik pilersitsinissamut illoqarfiit pingaarnersaat pillugu periusissiamut atatillugu, Nuussuup Mannguani sukisaarsaartarfimmik pilersitsinissamut konto 75-30-66-50-00 atorlugu 500.000 koruuninik pilersaarusiornissamut 2016imi missingersuutitigut Kommunalbestyrelse immikkoortitsivoq. 2016imi Inuplanimit pilersaarusiornissamut siunnersuummut kr.40.000 maanna atorneqareerput, pilersaarutaagaluarporlu aningaasat atugassat sinneri atorlugit pilersaarusiorneq kiisalu illussanik titartaasartut titartaanissaannut atorneqassasut.

Kommunalbestyrelsimit pilersaarutip aatsaat 2019imi aallartinneqarnissaa aalajangiunniarneqalerpoq, taamaattumik aningaasat pilersaarusiornissamut kiisalu illussanik titartaasartut sulinissaannut atorneqartussat Peqqinneq, Pitsaaliuineq Susassaqartitsinermullu Immikkoortortamit pisariaqarsorineqanngikkallarpoq.

Sukisaarsaartarfik kommunimi immikkoortumut pilersaarummut ilaatinneqalissaaq, taamaattumik illoqarfimmi pilersaarusiort angisuut soorlu Qulisatut ittut immikkoortumut pilersaarusiortnermi ilanngunneqassallutik.

Suliaq Meeqqanut, Ilaqutariinnut Atuarfeqarnermullu Ataatsimiititami 10. oktobari oqaluuserineqarpoq, tassanilu inassuteqaatit ataatsimiititami akuersissutigineqarput.

Inassuteqaat

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- ataatsimiititap suliaq akuersissutigissagaa
- - suliaq Kommunalbestyrelsimut aalajangigassanngorlugu ataatsimiititami ingerlateqqinneqassasoq

Suliassamik saqqummiussineq

2018imiit 2022p tungaanut immikkoortumut pilersaarut suliarineqassaaq immikkoortoq pillugu takorluukkat, periusissat anguniakkallu 2022p tungaanut ataqatigiissumik toqqammaveqalersillugit suliarineqassaaq, sulinermilu peqatigiiffiit innuttaasullu immikkoortoq pillugu kissaataat ilanngunneqassallutik.

Immikkoortumut pilersaarummi immikkoortortap suliassa qarfiit akimorlugit takutippai, suliniutillu eqqartorneqartut tamakkiisumillu paasissutissiisut sunnigiffeqarfimmi ukiuni tulliuuttuni suliarineqartussat pingaaruteqarluinnassallutik.

Immikkoortumut pilersaarut Peqqinnermut, Pitsaaliuinnermut Susassaqartitsinermullu Immikkoortortap, Illoqarfimmik pilersaarusiortnermut immikkoortortap, peqatigiiffiit toqqakkat, soorlu Qulisaq, NUP, NSP aammalu Qulisaq pillugu attaveqaatikkut namminersortut akornanni suleqatigiinnikkut suliarineqassaaq.



Immikkoortumut pilersaarut 2018-2022 sulinermit pilersaarut

Siunnersuutigineqarpoq Sanarfinermut Avatangiisinullu Ataatsimiititami aammalu Meeqqanut, Ilaqutariinnut Atuarfeqarnermullu Ataatsimiititami eqqartuinissamut oqaluserinninnissamullu makku tunngavigineqassasut:

- Peqqinneq, Pitsaaliuineq Susassaqartitsinermullu Immikkoortortamit katitikkamik killiffimmik suliaqartoqassaaq aammalu ingerlaqqinnissamut nassuiaasiussalluni, taannalu naapertorlugu suliaqarfik pillugu politikkikkut anguniakkat Sanarfinermut Avatangiisinullu Ataatsimiititami aammalu Meeqqanut, Ilaqutariinnut Atuarfeqarnermullu Ataatsimiititami isummersorfiginissaannut tunngaviliissaaq.
- Sunngiffeqarnermut tunngatillugu immikkoortumut pilersaarut ataatsimoortoq tamatuma kingorna tusarniaassutigineqassaaq.
- Tusarniaassumut akissuteqaatit immikkoortumut pilersaarutip 2018-2022p inaarutaasumik kukkunersiorneqarnerani ilaatinneqassapput, taakkulu tunngaviummik pilersaarummut siunnersuutit ilanngullugit immikkoortumut pilersaarummut pingaarnertut pilersaarusiornissamut sakkussatut ataatsimiititap kommunalbestyrelsillu akuersissuteqarnissaannut saqqummiunneqassallutik.

Immikkoortumut pilersaarutip piffissalersorneqarnera, immikkoortukkuutaanut agguataarlugit

1.	Killiffik pingaarnertut misissueqqissaarneq ilanngullugu immikkoortumut pilersaarusiornermut ilaatinneqartoq.	Sunngiffeqarfimmi pilersaarutaareersut katersorneri	Novembari 2016imiit januaari 2017imut
2.	Suliatigut atuuffitsigullu susassaqarfinnik peqataatitsineq	Suliaqarfinnik peqataatitsineq Soqutigisaqaqatigiinnik peqataatitsineq	Februaari – marsi 2017
3.	Immikkoortumut pilersaarutip siunnersuutigineqarnerata inaarneqarnera.	Pilersaarummut suleqatigiissitap ineriartortitsinissamut anguniagaanik suliaqarneq.	Aprili - juuni 2017
4.	Immikkoortumut pilersaarutip siunnersuutigineqarnerata inaarlugu suliarineqarnera.	Siunnersuutip pisortaqatigiinni suliarineqarnera. Immikkoortumut pilersaarutip Sanarfinermut Avatangiisinullu Ataatsimiititami aammalu Meeqqanut, Ilaqutariinnut Atuarfeqarnermullu Ataatsimiititami utaqqiisaasumik akuersissutigineqarnissaa, taamaalilluni tusarniaassutigineqarniassamat.	2017imi qaammatit pingasorarterutaata pingajuanni
5.	Tusarniaaneq		2017imi qaammatit kingulliit pingasut
6.	Inaarutaasumik akuersissutiginnineq	Sanarfinermut Avatangiisinullu Ataatsimiititaq aammalu Meeqqanut, Ilaqutariinnut Atuarfeqarnermullu Ataatsimiititaq aammalu Kommunalbestyrelse	Januaari 2018

Aaqqiissutissatut siunnersuut – suliatigut naliliineq

Immikkoortumut pilersaarut suliarineqassanngippat, sunngiffimmut susassaqarfimmi suliniutit pingaarnersiukkatut allassimaneqassanngillat, taamaalillunilu sunngiffimmut susassaqarfimmi illunik iluarsartuussinissamut aqutissiuiuinissamullu aqutsinermut sakkussa qarani. Taamaalilluni susassaqarfimmi illuliorfiunngitsuni nunaminertamik inniminniinissamut tunngavissaqanngilaq aammalu missingersuutitigut tunngavissaqarani. Taamaattumik immikkoortumut pilersaarut susassaqarfik tamakkerlugu takussutissanik peqartitsissaaq.



Aningaasaqarnikkut sulisoqarnikkullu naliliinerit

Sunngiffeqarnermut susassaqarfik pillugu immikkoortumut pilersaarut toqqaannartumik kommunimi aningaasartuuteqartitsissanngilaq.

Tamanna aatsaat pissaaq kommunip missingersuutaanik politikikkut tulleriissaarinnermut atatillugu. Immikkoortumut pilersaarutip pilersaarutitut aqunneqarnera Peqqinneq, Pitsaaliuineq Susassaqartitsinermullu Immikkoortortamit isumagineqassaaq. Suliali annertussusaa paasineqarpat, aningaassaliissutaasut amerlineqarnissaat kissaatigineqaratarsinnaavoq. Siunnersuutip matuma sinaakkutarisai pioreersut qaangernagit una aningaasaliiffigineqassaaq

Inatsisitigut tunngavissaq allakkallu tunngaviusumik uppersaatitallit

Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr. 5, 6. juni 2016-imeersoq

Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq

Kommunimut pilersaarut digitaliusoq www.sermersooq2024.gl

Kommunip aqunneqarnera.

Ingerlariaqqinnissaq

Aningaasaliissutissatut siunniunneqartut akuersissutigineqassappata, suliaq suliariumannittussarsiuunneqassaaq aallartisarneqarlunilu, naleqqiuguk pilersaarut pillugu immikkoortut agguataakkat.

Aningaasaqarnermut Allatseqarfimmit oqaaseqaatit

Aningaasaqarnermut allatseqarfimmiit qulaani pineqartoq innersuunneqanngilaq, tassa projekti 2019-imut inissinneqarnikummat, aningaasat atunngitsut atortussanngorlugit. Aningaasanik kissaateqartoqarpat immikkoortumut pilersaarusiarnat aningaasat nammeneq ingerlatsivimmi nassaarisariaqartut imaluunniit allatigut tapiliussatut aningaasaliissutigut.

Innuttaasunik peqataatitsineq/attaveqaaqatigiinneq

Soqanngilaq.

Siusinnerusukkut aalajangerneq

Meeqqanut, Ilaqutariinnut Atuarfeqarnermullu Ataatsimiititap aalajangernera sisamannorneq 10. novembari 2016imeersoq:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai.

Ilanngussat

Soqanngilaq



06F Sport Event Nuuk

Aalajangiiffigisassaq

J. nr. 58.03

Tamanut Kiffartuussivik - pisortaq Marie Fleischer / MFLE

Suliassamik eqikkaaneq

Tamanut Kiffartuussivik – Sport Event Nuuk sinnerlugu taaguutip ”Sport Event Nuuk” akuersissutigineqarnissaa qinnuteqaatigineqarpoq aammalu sporteventstrategi-tut siunnersuutip akuersissutigineqarnissaa, aammalu Sport Event Nuuk ataani siunnersuisoqatigiiliornissap akuersissutigineqarnissaa qinnuteqaatigineqarpoq.

Suliaq Meeqqanut, Ilaqutariinnut Atuarfeqarnermullu Ataatsimiititami 10. oktobari oqaluuserineqarpoq, tassanilu inassuteqaatit ataatsimiititami akuersissutigineqarput.

Inassuteqaat

Meeqqanut, Ilaqutariinnut Atuarfeqarnermullu Ataatsimiititap Aningaasaqarnermut Ataatsimiititamut inassuteqaatigaa:

- Taaguut ”Sport Event Nuuk” akuersissutigineqassasoq
- sporteventstrategi-tut siunnersuut akuersissutigineqassasoq
- Siunnersuisoqatigiit suleriaatsimullu tunngaviit akuersissutigineqassasut
- suliaq akuerisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersuumi illoqarfiit pingaarnersaat pillugu periusissiaq aallaavigalugu, suliamik saqqummiussissut una suliarineqarpoq Nuummi sportevents ineriartortinneqarnissaannut periarfissat suussusersiumallugit. Nuup eqeersimaartutut peqqissutullu nittarsaanneqarnissaanut pitsaanagerusunik sinaakkutissaqarnissaa qitiutinneqarpoq, najukkami, Nunatsinnilu sporteventinik pilersitsisoqarnissaa anguniarlugu. Taamaattumik aamma Kommuneqarfik Sermersuup timersornermut politikissaatut siunnersuummi, tamat, pikkorivissut ineriartortitsinerlu ataani imatut allassimasoqarpoq:

”I forbindelse med hovedstadsstrategien skal det vurderes i hvilket omfang Kommuneqarfik Sermersooq målrettet skal arbejde på at tiltrække større idrætsevents, der kan bidrage til at brande byen og skabe oplevelser og fremme et samarbejde mellem klubber, der skal ansøres til at sparre og hjælpe hinanden”.

Taaguut Sport Event Nuuk:

Taaguutip aallaavigivaa Danmarkimi imaattumik ingerlatsisoqarmat; Sport Event Danmark. Taakkua siunertaat uagut siunnersuutitsinnut assingusorujussuupput, najoqqutassartaalu maannakkut inerisaqqinneqareerpoq, Danmarkimilu maannakkut nalinginnaalernikuuvoq, illoqarfiit kommunillu namminneq Sport Eventeqarmata, taamaattumik qallunaat najoqqutassaataannik annerusumik minnerusumilluunniit nuussineruvoq. Sport Event ilisarimanearluarpoq, eqqaamajumarluni aammalu timersornermut tunngasunik pisoqartitsisoqartarneranik qitiutitsiffiulluni.

Sportseventimut periusissiaq:

Periusissiaq taanna illoqarfimmi timersornermut timersoqatigiiffinnullu ikorfartuisuussaaq, aammalu Kommuneqarfik Sermersooq siunissami sunik pingaarnertitaqassanersoq pillugu pingaarnertut aqutissiuussissalluni, erseqqissaatigissallugulu, illoqarfik sunik immikkut qitiutitaqarnersoq



timersoqatigiiffinnik soqutigisalinnillu qanimut suleqateqarluni sunik pilersitserusunnersoq, sportseventsiniq suliaqarnissamut atatillugu.

Sport Event Nuuk avitseqatigiittarnikkut isumassarsianillu inerisaanikkut, Nuummi timersornikkut pisoqartitsinerni siunnersuisarlunilu misilittakkatigut avitseqateqartassaaq.

Takorloorneqartoq tassaavoq illoqarfik asseqanngitsunik pisoqartitsiffiusartussaq eqeersimaarfiusoq pilersissallugu, naleqassutsimik qaffariartornermillu pilersitseqataaffiusumik. Aamma Nuuk nunat tamat akornanni timersornikkut pisoqartitsiviusartutut ilisimaneqassaaq.

Sport Event Nuuk pilersinneratigut Kommuneqarfik Sermersooq timersornikkut ineriartortitsinermi tapersersuisinnaavoq siunnersuisarnikkut, kajumissutsiminnik suleqataarusuttunik pissarsiornikkut, tuniniaanikkut, aningaasaleeqataajumasunik qinnuteqaateqartarnikkut, atotorissaarutitigut minnerunngitsumillu pitsaassutsimik qulakkeerinnikkut. Kommuneqarfik Sermersooq pitsaasumik sungiussisimarpaluttumillu unammijuaarnernik pilersitsinissamut pitsaanerpaanik atuagassaqartitsissalluni, peqatigitillugulu ataqatigiinnermik ineriartortitsinermillu pilersitsissalluni. Periusissami aallaavigineqarpoq illoqarfik misileraanissamut sapiissuseqartoq, najukkami timersoqatigiiffiit, unammijuaartitsisartullu allat qanimut suleqatigalugit tamarmik ataatsimoorlutik assissaqanngitsumik misigisaqartitsisarnissamut eqqarsaqqittarnissamik pilersitseqqittarnissamillu ingerlatsisussaq.

Sport Event Nuuk imaattunik suliaqarusuppoq:

- Kommuneqarfik Sermersuup peqatigiiffiillu akornanni ataqatigiissitsisoq, ingerlatitseqqittarnermik paasissutissiisarnermillu qitiusoqarfik, timersoqatigiiffiit, sulisoqarfiit innuttaasullu suleqatigalugit ineriartortitsisoq unammijuaartarnernillu nutaanik pilersitsisoq, taamaalillunilu ingerlatsisut, kajumissutsiminnik suleqataasut minnerunngitsumillu timersortartut akornanni attaveqaateqalersitsisoq. Kommune tapiissuteqartarnermigut kommunilu timersoqatigiiffiit timersortarfinnik atuinissaannut tiiminik tunioraasarnermigut inissisimaffeqareerpoq, taamatullu Timersortartut siunnersuisoqatigiivi pilersinneqaqqammersut suleqataalereerlutik.
- Timersoqatigiiffinnik, timersornermut klubbinik soqutigisaqartunillu aningaasaleeqataasut najoqqutassiisutaat, aningaasaleeqataasunik atuutilersitsineq aammalu tuniniaanissamut periarfissaasa pitsanngorsarnerisigut suleqateqarneq, siunnersuineq ilitsersuinerlu. Timersoqatigiiffinnut peqatigiiffinnillu, klubbimut tassungalu aningaasaliisartumut naleqarnerulersitsisartumik aningaasaliisartut najoqqutassiaannik ineriartortitsineq atuutilersitsinerlu.
- Suleriaatsinik ilusilersuineq, mailikkut nutaarsiassanik, paasissutissanik suliaqarneq nassiussuinerlu, susassaqartitassanik eventinillu pilersitsineq, isumassarsianik ineriartortitsineq, pilersaarusionerq, naammassisaqarneq timersornermilu pisoqartitsinernik nalilersuineq, kiisalu allaffissornermut suliasat assigiinngitsut.

Sport Event Nuuk-mut siunnersuisoqatigiit:

Sport Event Nuuk siunnersuisoqatigiilliornissaminik kissaateqarpoq, taassuma Sport Event Nuuk illoqarfiillu pingaarnersaattut periusissaq ikorfartussavai, Nuummi timersornermi pisoqartitsisarnernik inerisaanissamut tunngatillugu.

Siunnersuisoqatigiit Sport Event Nuuk suleqatigalugu eventeqartitsissutaasartunik ikorfartuinissaq anguniassavaat, tamassuminngalu iluatsitsineq Kommunip ineriartorneranut tapullugu, tassunga



ilangullugu Nuuk nunat tamat akornanni sportseventeqarfittut illoqarfittullu eqeersimaarfittut ingerlanissaanik kissaateqarneq.

Siunnersuisoqatigiit siulersuisuunngillat, piginnaatitsissummik akisussaaffimmilluunniit peqanngimmata. Kisianni immikkut ilisimasallit tassani ilaasortaapput, aqutsisutut/akisussaasutut sammisani toqqakkani siunnersortitut atorsinnaasat. Taamaattoqassatillugu Nuummi nunanit tamanit peqataaffigineqartumik Illoqarfiit pingaarnersaatut periusissiap ilaani sportseventeqartillugu siunnersuisoqatigiit kaammattuisussatut periarfissanillu ersarissaasussatullu atorluarneqartassapput.

Siunnersuisoqatigiit arfineq marlunnik (Nuummi najugalinnik) inuttaqarput, taakkulu ukiut ataasiakkaarlugit siunnersuisoqatigiinni ilaasortaasarput. Ukiut tamaasa peqataasartut 2-3 paarlakaajaattarput, taamaattumik nutaartaqartarput, aammalu piginnaasat nutaat takkuttarput, taamaasilluni ingerlaavarnissaa qulakkeerneqartarluni. Ilaasortaasartut suleqataanissaminut aningaasarsiaqartinneqanngillat, piumasaqaataallunili eventinik pilersitsinermut sumilluunniit kikkulluunniit misilittagallit tamarmik, aammalu kajumissutsiminnik suleqataajumasartunik peqataatitsilluartarnermik misilittagallit peqataanissaat.

- ✓ eventeqartitsinermi immikkut ilisimasallit misilittagallit arfineq marluk
- ✓ Nuummi najugallit
- ✓ Piffissami aalajangersimasumi (immaqa) ukiut ataasikkaarlugit
- ✓ Timersornermi, kulturimut tunngasuni aamma/imaluunniit allanik misilittagallit
- ✓ Immikkut suleriaasissaq suliarineqassaaq.

Susassaqarfiit makku assersuutigalugu siunnersuisoqatigiinni ilaatinneqarsinnaapput:

AWG2016
Maajimi peqqissuusa, nalunneq
Nuuk Marathon
Inua Challenge Nuuk
Colourful Nuuk
Triatlon, nalunneq
Timersoqatigiiffiit Kattuffiat

Ilaasortat namminneq ilisimasatik misilittakkatillu aallaavigalugit unammijuaartitsinerni sulinissartik naatsorsuutigissavaat, aammalu aallartisarnermi allat assingusunik misilittagallit ilisimasallillu, ilaatigut Finn Meinel, Michael Binzer, Kim Godtfredsen, Anders Steenbakken, Lasse Nymann Petersen aamma Morten Jørgen Heilmann qaaqquneqarput.

Ilaat qaaqqussummut qujapput, ajoralurtumilli peqataasinnaanatik, allalli qaaqqusissummut akissuteqanngillat.

Ataatsimiinnerit aamma workshops:

Ukiut sisamariarluni ataatsimiittoqartassaaq, siunnersuisoqatigiit sulisinneqartassallutik. Taamaattoqartillugu Sport Event Nuuk iluani ataatsimiinnerit imaluunniit eventeqartussaattillugu najoqqutassap ineriartortinnissaa/attatiinnarnissaaluunniit pillugit, avataani eventeqartitsisartunik ataatsimeeqateqarnerit, workshopsini peqataanerit imaluunniit suliamut tunngasuni allani peqataanerit.

Nammineq kajumissutsiminnik suleqataasartut nalunaarsorsimaffiat:

Kommuneqarfik Sermersooq nammineq kajumissutsiminnik suleqataasartut nalunaarsorsimaffianik peqarpoq, taannalu naaportorlugu aqqissuussinernut eqqortunut inatsisit



malittarisassallu atuuttut kommunimit suliarineqarsimasut naapertorlugit nalunaarsorsimaffimmut allatsissimasut ataqqinnittumik atorluarneqarsinnaapput.

Najoqqutassaq:

Najoqqutassaqartoqassaaq, tasanilu eventeqartitsinermi allattorsimaffiit misilittakkallu ilaatinneqassapput. Najoqqutassap ineriartortinnissaanut nutartertuarnissaanullu siunnersuisoqatigiit peqataasarnissaat naatsorsuutigineqarpoq.

Eventeqartitsisarnissamut ullorsiutit:

Ukioq ataaseq suliassat allatorneqassapput aaqqissuussisussaq peqatigalugu.

Tuniniaaneq attaveqatigiinnerlu:

Kommuneqarfik Sermersooq eventeqartitsisussat immaqalu siunnersuisoqatigiit isumasioreerlugit eventsit toqqarneqartut pillugit paasititsiniaanermi tuniniaanermilu peqataasinnaapput.

Aningaasaqarneq

Sport Event Nuuk Kommuneqarfik Sermersumit aningaasaliissutigineqartunik aningaasaateqarpoq, Peqqinneq, Pitsaaliuineq Susasaqartitsinerlu maannakkorpiaq ukiumut 300.000 kr.nik atugassaqarpoq, eventeqartitsinerlut atugassanik. Pisortanit tapiissutinik pissarsiniartoqassappat aqutissat ilisimaneqartut qaninnerillu aqutigalugit qinnuteqaatigineqarsinnaapput. Siunnersuisoqatigiit sulinerminni aningaasarsiaqartinneqassanngillat.

Siunnersuisoqatigiit aalajangiinissaminut piginnaatinneqanngillat, kisianni suleriaatsip iluani, immikkut suliarineqartussap, siunnersuisinnaapput. Inuit siunnersorneqarusuttut, aammalu kommunimut attuumassuteqartut pillugit peqataasartussat namminneq misilittakkaminnik tunioraasarnissaat naatsorsuutigineqarpoq.

Aaqqiissutissatut siunnersuut – suliatigut naliliineq

Sport Event Nuuk illoqarfiit pingaarnersaattut anguniakkamik piviusunngortitseqataassaaq, Nuuk illoqarfittut eqeersimaartutut peqqissutullu nittarsaanneqarnissaanut atatillugu, najukkami, nunatsinni nunanilu allani sportseventseqartitsisarnermik pilersitsisoqarnissaa anguniarlugu.

Aningaasaqarnikkut sulisoqarnikkullu naliliinerit

Siunertamut 300.000 kr. immikkoortinneqarput, siunertamullu immikkut kontuliortoqassaaq, taamaasilluni allaffissorneq aqutsinerlu Sport Event Nuukmiit atsiorneqartassaaq fagchefilu akiliinissamik ingerlatitseqqittassalluni.

Inatsisitigut tunngavissaq allakkallu tunngaviusumik uppersaatitallit

Kommunini aqutsineq.

Ingerlariaqqinnissaq

Sport Event Nuuk tassaapput Siunnersuisoqatigiit inunnik arfineq-marlunnik misilittagalinnik piukkunnarluartunillu inuttaqartut taakkulu illoqarfiup pingaarnersaani nunanut tamalaanut tunngatillugu aaqqissuussat siuarsarniarlugit aqutsisoq peqatigalugu sulinertik nangissavaat.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit suliaq qulaani pineqartoq innersuusutigineqarpoq nuannaarutigineqarlunilu siunnersuisoqatigiit uku tamanut kiffartuussivimmit atulissallugit aalajangiunneqarsimasut illoqarfiup pingaarnersaata eqinnaatsumik politikkikkut tunaartanut tulluarmata.



Aningaasaqarnermut Allatseqarfimmit oqaaseqaatigineqarpoq, 300.000 koruunit namminerisamik missingersuutineereersuusut taamaalillutillu Kommunip aningaasaqarneranut sunniuteqassanngitsut.

Innuttaasunik peqataatitsineq/attaveqaqatigiinneq

-

Siusinnerusukkut aalajangerneq

Meeqqanut, Ilaqutariinnut Atuarfeqarnermullu Ataatsimiititap aalajangernera sisamanngorneq 10. novembari 2016imeersoq:

Meeqqanut, Ilaqutariinnut Atuarfeqarnermullu Ataatsimiititap inassuteqaatit akuersissutigai.

Ilanngussaq

1. Allaqqitassiaq iliuusissaq Sportsevent 2016 - 2020



06G 2016 kiffartuussinissamut isumaqatigiissut Nanu Travel ApS

Akuersissutigisassaq

J.nr. 65.03.02

Isumaginninnermut, Suliffeqarnermut Inuussutissarsiornermullu Ingerlatsivik - pisortaq Grethe H. Nielsen / GRNI

Suliassamik eqikkaaneq

Ukiuni tulleriinni 2015 ilanngullugu Nanu Travel Aps aamma Kommuneqarfik Sermersooq, Ittoqqortoormiini takornariaqarnerup siuarsarnissaa pillugu immikkoortumik kiffartuussinermut isumaqatigiissuteqarsimangillat, Nanu Travel Aps kiffartuussinermut isumaqatigiissummut Destination East Greenland (DEG)-mut ilaammat. Kommunalbestyrelsip decembarip 10-anni 2015-mi Destination East Greenlandimut kiffartuussinissamut isumaqatigiissutertik 2016-miit allangortinniarlugu aalajangerput, taamalu kiffartuussinermut isumaqatigiissummi suut ingerlatat erseqqissarniarlugit Nanu Travel Aps-imut immikkut kiffartuussinermut isumaqatigiissuteqarnissaq pisussanngorpoq.

2016-mi novembarip aallartinnerani Nanu Travel Aps-imut kiffartuussinissamut suli isumaqatigiissuteqartoqarsimangilaq. Tamatumunngalu ilaatigut peqqutaavoq DEG-mut ukiumut naatsorsuutit utaqqineqarnerat, taannalu aatsaat maajimi ataatsimiinnermi politikikkut suliarineqarpoq. Kingusinaarnermut aamma peqqutaavoq Nanu Travel Aps-ip aporfogisimammagu, DEG-mut Kiffartuussinissamut isumaqatigiissut, taamalu 2016-mi sammisassat ingerlassimallugit ukiut siuliinisut kiffartuussinermut isumaqatigiissummut aningaasaliissutit naatsorsuutigalugit. Nanu Travel ApS-ip 2016-mut kiffartuussinissamut isumaqatigiissummut ilanngussat kingulliit, Ingerlatsivimmu nassiuppaat septembarip 23-anni, 2016.

Erseqqissarneqarpoq Nanu Travel ApS ukiuni tulleriinni ukiumut 240.000,- koruuninik kiffartuussinermut tapiissutinik pisarsimammat, maannalu aningaasat taakku 300.000,- koruuninut qaffanneqarlutik.

Isumaginninnermut, Suliffeqarnermut Inuussutissarsiornermullu Ingerlatsiviup innersuutigaa kiffartuussinermut isumaqatigiissut 300.000 koruuninik aningaasartaqartinneqassasoq, taamaalilluni kommunip Ittoqqortoormiini takornariaqarnerup ineriartortinneqarnera tapersorsorinnaassammagu.

Suliaq Isumaginninnermut, Suliffeqarnermut Inuussutissarsiornermullu Ataatsimiititami 17. novembari oqaluuserineqarpoq, tassanilu inassuteqaatit ataatsimiititamit akuersissutigineqarput.

Inassuteqaat

Isumaginninnermut, Suliffeqarnermut Inuussutissarsiornermullu Ataatsimiititap Aningaasaqarnermut Ataatsimiititamut inassuteqaatigaa

- Nanu Travel ApS-imut kiffartuussinermut isumaqatigiissummut tapiissutit ukiumut 300.000,- koruuninut qaffanneqassasut, sionnatigut taakku 240.000,- koruuniusarsimagaluartut.
- Nanu Travel Aps-imut 2016-mi kiffartuussinissamut isumaqatigiissummut siunnersuut akuersissutigineqassasoq,
- suliaq Kommunalbestyrelsimut inaarutaasumik akuerisassanngorlugit ingerlateqqinneqassasoq.

Suliassamik saqqummiussineq

Ukiuni tulleriinni 2015 ilanngullugu Nanu Travel Aps aamma Kommuneqarfik Sermersooq, Ittoqqortoormiini takornariaqarnerup siuarsarnissaa pillugu immikkoortumik kiffartuussinermut



isumaqatigiissuteqarsimangillat, Nanu Travel Aps kiffartuussinermut isumaqatigiissummut Destination East Greenland (DEG)-mut ilaammat. Kommunalbestyrelsep decembarip 10-anni 2015-mi Destination East Greenlandimut kiffartuussinissamut isumaqatigiissutertik 2016-miit allanngortinniarlugu aalajangerput, taamalu kiffartuussinermut isumaqatigiissummi suut ingerlatat erseqqissarniarlugit Nanu Travel Aps-imut immikkut kiffartuussinermut isumaqatigiissuteqarnissaq pisussanngorpoq.

2016-mi novembarip aallartinnerani Nanu Travel Aps-imut kiffartuussinissamut suli isumaqatigiissuteqartoqarsimangilaq. Tamatumunngalu ilaatigut peqqutaavoq DEG-mut ukiumut naatsorsuutit utaqqineqarnerat, taannalu aatsaat maajimi ataatsimiinnermi politikkikkut suliarineqarpoq. Kingusinaarnermut aamma peqqutaavoq Nanu Travel Aps-ip aporfisimammagu, DEG-mut Kiffartuussinissamut isumaqatigiissut, taamalu 2016-mi sammisassat ingerlassimallugit ukiut siuliinisut kiffartuussinermut isumaqatigiissummut aningaasaliissutit naatsorsuutigalugit. Nanu Travel ApS-ip 2016-mut kiffartuussinissamut isumaqatigiissummut ilanngussat kingulliit, Ingerlatsivimmut nassiuppaat septembarip 23-anni, 2016.

Erseqqissarneqarpoq Nanu Travel ApS ukiuni tulleriinni ukiumut 240.000,- koruuninik kiffartuussinermut tapiissutinik pisarsimammat, maannalu aningaasat taakku 300.000,- koruuninut qaffanneqarlutik.

Isumaginninnermut, Suliffeqarnermut Inuussutissarsionermullu Ingerlatsiviup innersuutigaa kiffartuussinermut isumaqatigiissut 300.000 koruuninik aningaasartaqartinneqassasoq, taamaalilluni kommunip Ittoqqortoormiini takornariaqarnerup ineriartortinneqarnera tapersersorsinnaassammagu.

Ilanngussaq 1, 2016-mi kiffartuussinermut isumaqatigiissummoortoq Nanu Travel Aps suleqatigalugu suliarineqarpoq, kiffartuussinermullu isumaqatigissuummi ilaasut suliassat tassani allaaserineqarlutik. Suliassani allaaserineqarsimasuni maluginiarneqarpoq teorimi suliassat ilaat kiffartuussinermut isumaqatigiissutip aningaasartaanik atuingikkaluarluni suliarineqarsinnaasut, taamalu teorimi unammilleqatigiinnerup equinneqarsinnaanera ajornartorsiortitsisinnaasoq. Taannalu ajornartorsiut Ingerlatsiviup, ilaatigut Nanu Travel Aps peqatigalugu maanna Ittoqqortoormiini pissutsit tunngavigalugit kiffartuussinermut isumaqatigiissut unammillernermik equititsisussaangitsutut nalilerpaat.

Kiisalu oqaatigineqassaaq, kiffartuussinissamut isumaqatigiissutissatut siunnersuut aalajangersakkanik Nanu Travel Aps-ip kiffartuussinissamut isumaqatigiissutaata piviusunngortinnissaanut iluaqutaasussanik qulakkeerinissamik imaqartinneqarpoq, pissutigalugu Nanu Travel Aps suliat pillugit nalunaarusiortartussaammat, tassungalu kiffartuussinissamut isumaqatigiissummi suliat naammassineqarnissaasa tungaannut. Suliassat naammassineqanngitsut akiliutinut naapertuutinngitsut, ilanngaavigineqartassapput, taamaalillutik 2016-i naatinnagu suliassat pineqartut naammassineqarpata akiliutigineqartussa qiniassammat.

Ingerlatsiviup innersuutigaa Nanu Travel Aps-ip kiffartuussinissamut isumaqatigiissummi ukiumut tapiissutit 240.000-iniit 300.000 koruuninut qaffanneqarnissaat akuerineqassasoq taagorneqartut tunngavigalugit. Nanu Travel Aps ukiuni qaangiuttuni aningaasartuutit annertusinerinik nalaataqarsimavoq, soorlu attaveqatigiinnermut aningaasartuutit 2014-mit 2015-mut 10.000 koruuninik qaffassimapput, inaallagissamut imermut kiassarnermullu aamma ukiuni taakkunani aningaasartuutit 5.000 koruuninik qaffassimallutik. Ilutigalugulu Nanu Travel ApS nalunaarusiortarnerit annertusinerini aamma allaffissornikkut aningaasartuuteqarnerulissalluni.



Isumaginninnermut, Suliffeqarnermut Inuussutissarsiornermullu Ingerlatsiviup innersuutigaa kiffartuussinermut isumaqatigiissut 300.000 koruuninik aningaasartaqartinneqassasoq, taamaalilluni kommunip Ittoqqortoormiini takornariaqarnerup ineriartortinneqarnera tapersersorsinnaassammagu.

Aaqqiissutissatut siunnersuut – suliaticug naliliineq

Ingerlatsiviup nalilerpaa Nanu Travel Aps-ip kiffartuussinermut isumaqatigiissuteqarfiginerani, kommunimillu suleqateqarnerani Ittoqqortoormiini inuussutissarsiorneq iluaquserneqassasoq. Ingerlatsivimmittaaq naliliineq naapertorlugu, suliatic anguniaganngorsinnaaneri ersarinnerulernissaalu annertusissapput ilaatigut Nanu Travel ApS-ip suliatic pillugit nalunaarusioqquneqarnini naapertorlugu nalunaarusiortaruni.

Aningaasaqarnikkut sulisoqarnikkullu naliliinerit

Kiffartuussinermut isumaqatigiissuteqarnermi tapiissutit kommunip 2016-mut missingersuusiaanniippat (37-02-91), kiffartuussinermut isumaqatigiissummut tapiissutit 240.000,- koruuninik 300.000,- koruuninut qaffanneqaraluarpataluunniit, kontumi tassani 2015-mut atugassat sinneqarsimmata (Destination East Greenlandip 2015-mut aningaasartuutissat missingersuutiniittut ingerlatissanngimmagit).

Inatsisiticug tunngavissaq allakkallu tunngaviusumik uppersaatitallit

Kommunit inuussutissarsiuutini il.il. aningaasaliinermikkut inuussutissarsiuutini ineriartortitseqataanissaminnut periarfissaat pillugit Inatsisartut Inatsisaat nr. 23, 18. decembari 2003-meersoq.

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Ingerlariaqqinnissaq

2016-mi Nanu Travel ApS-ip kiffartuussinermut isumaqatigiissut inaarutaasumik akuersissutigineqarpat, Isumaginninnermut, Suliffeqarnermut Inuussutissarsiornermullu Ataatsimiititaq Nanu Travel Aps-ip isumaqatigiissummut malinninneranik paasisstissisoqarpat tamanna atuutilissaaq.

Aningaasaqarnermut Allatseqarfimmit oqaaseqaatit

Qulaani siunnersuut allaqqasoq, ØS –ip taperserpaa, Ittoqqortoormiinilu inuussutissarsiuutitigut siuariartorneq neriunaateqartutut isigalugu, tapersersornartillugu.

Siusinnerusukkat aalajangerneq

Isumaginninnermut, Suliffeqarnermut Inuussutissarsiornermullu Ataatsimiititap aalajangernera sisamanngorneq 17. novembarimeersoq:

Isumaginninnermut, Suliffeqarnermut Inuussutissarsiornermullu Ataatsimiititap inassuteqaatit akuersissutigai.

Ilanngussat

1. 2016-mi Kiffartuussinissamut isumaqatigiissummut siunnersuut Nanu Travel ApS
2. 2016-mi Nanu Travel ApS-mik kiffartuussinissamik isumaqatigiissummut siunnersuut ilanngussaq



06H Siulittaasussamik nutaamik qinersineq

Ilisimatitsissut

J.nr.: 01.02.03.50

Isumaginninnermut, Suliffeqarnermut Inuussutissarsiornermullu Ingerlatsivik - pisortaq Grethe H. Nielsen/ GRNI

Suliassamik eqikkaaneq

Isumaginninnermut, Suliffeqarnermut Inuussutissarsiornermullu pisortaq Grethe H. Nielsen Isumaginninnermut, Suliffeqarnermut Inuussutissarsiornermullu Ataatsimiititami siulittaasumit Malene Lyngemit nalunaarummik tigusaqarsimavoq ulapippallaarnini pissutigalugu siulittaasutut tunuarniuteqartoq.

Isumaginninnermut, Suliffeqarnermut Inuussutissarsiornermullu Ataatsimiititap Malene Lyngep siulittaasutut tunuarniarluni qinnuteqaataa akuersissutigissavaat aammalu ataatsimiititami siulittaasumik nutaamik qinersisoqassaaq.

Suliaq Isumaginninnermut, Suliffeqarnermut Inuussutissarsiornermullu Ataatsimiititami 17. novembari oqaluuserineqarpoq, tassanilu Malene Lyngip siulittaasutut tunuarniuteqarnera aamma Charlotte Ludvigsenip (IA) Isumaginninnermut, Suliffeqarnermut Inuussutissarsiornermullu Ataatsimiititami siulittaasunngornera akuersissutigineqarluni.

Inassuteqaat

Isumaginninnermut, Suliffeqarnermut Inuussutissarsiornermullu Ataatsimiititap Aningaasaqarnermut Ataatsimiititamut inassuteqaatigaa

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Isumaginninnermut, Suliffeqarnermut Inuussutissarsiornermullu pisortaq Grethe H. Nielsen Isumaginninnermut, Suliffeqarnermut Inuussutissarsiornermullu Ataatsimiititami siulittaasumit Malene Lyngemit nalunaarummik tigusaqarsimavoq ulapippallaarnini pissutigalugu siulittaasutut tunuarniuteqartoq.

Isumaginninnermut, Suliffeqarnermut Inuussutissarsiornermullu Ataatsimiititap Malene Lyngep siulittaasutut tunuarniarluni qinnuteqaataa akuersissutigissavaat aammalu ataatsimiititami siulittaasumik nutaamik qinersisoqassaaq.

Isumaginninnermut, Suliffeqarnermut Inuussutissarsiornermullu Ataatsimiititami ilaasortat imatut katiterneqarput:

Malene Lyng (IA)

Storm Ludvigsen (IA)

Charlotte Ludvigsen (IA)

Peter Davidsen (S)

Ane Egede Mathæussen (S)

Kommunalbestyrelsimi i aqutsinermi ileqqoreqqusami § 5 immik. 2 naapertorlugu kiisalu Aqutsinermi inatsimmi § 27 naapertorlugu ataatsimiititaliat siulittaasussatik namminneq qinertassavaat.



Aaqqiissutissatut siunnersuut – susassaqarfimmuut naliliineq

Kommunalbestyrelsimi aqutsinermi ileqqoreqqusami § 5 immik. 2 naapertorlugu kiisalu Aqutsinermi inatsimmi § 27 naapertorlugu ataatsimiititaliat siulittaasussatik namminneq qinertassavaat. Siulittaasumik qinersinissaq Isumaginninnermut, Suliffeqarnermut Inuussutissarsiornermullu Ataatsimiititap suleriaasiani aamma allaqqavoq.

Suleriaasissaq najoqqutaralugu siulittaasup makkua akisussaaffigalugit pisussaaffigai:

Ataatsimiititaliami siulittaasup ataatsimiititaliap ataatsimmiinnissai piareersartassavai, ataatsimii-giaqqusisassalluni, ataatsimiinnerit siulersortassallagut ataatsimiinnernilu aalajangiinerit aalaja-angiinnernut imaqarniliamut allanneqarnissaat akisussaaffigissallugu.

Siulittaasup ataatsimiititaliaq sinnerlugu suliassat kinguartinneqarsinnaanngitsut imaluunniit nalor-nisoorutaasinnaanngitsut aalajangivigisinnaavai. Suliassanilu inatsisiliornikkut ataatsimiititaliamut suliassanngortitaasimanngitsuni kingutsinneqarsinnaanngitsunili ataatsimiititaliami siulittaasup aalajangiitinnani borgemesteri ilisimatittassavaa, tamannali atuutinngilaq suliassani ataatsimii-titaliamut suliassanngortinneqarsimasuni. (aqutsinermut inatsimmi § 27, immik. 2)

Kiisalu aqutsinermi inatsimmi § 27, immik. 3 naapertorlugu ataatsimiititaliami ilaasortaq kinaluunniit siulittaasup sulinera pillugu apeqqutit suugaluartulluunniit ataatsimiititaliamut suliassanngortis-sinnaava, siulittaasullu ataatsimiititaliaq nassuiaatinik piumasaanik nalunaarfigissavaa. Siulittaasorlu sutigut tamatigut ataatsimiititaliap aalajangiinerinut maleruuttussaavoq. (aqutsinermut inatsimmi § 27, immik. 3)

Aningaasaqarnikkut sulisoqarnikkullu naliliineq

Suliaq aningaasaqarnikkut sulisoqarnikkullu malitseqanngilaq.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 22, 18. november 2010-meersoq.
- Kommuneqarfik Sermersuumi aqutsineq pillugu ileqqoreqqusaq.
- Isumaginninnermut, Suliffeqarnermut Inuussutissarsiornermullu Ataatsimiititap suleriaasia

Ingerlariaqqinnissaq

Siulittaasumik qinersineq borgmesterimut nalunaarutigineqassaq ataatsimitaliallu ilaasortaqarnermigut katiterneqarnera kommunimi sulisut nittartagaannut aammalu kommunip pisortatigoortumik nittartaagaatigut tamanut saqqummiune-qarumaarpoq.

Aningaasaqarnermut Allattoqarfimmit oqaaseqaatit

Aningaasaqarnermut Allattoqarfimmit oqaaseqaatinik pissarsiniartoqanngilaq.

Innuttaasunik peqataatsineq/Attaveqatigiinneq

Soqanngilaq.

Siusinnerusukkut aalajangerneq

Isumaginninnermut, Suliffeqarnermut Inuussutissarsiornermullu Ataatsimiititap aalajangernera sisamanngorneq 17. novembarimeersoq:

Charlotte Ludvigsen (IA) Isumaginninnermut, Suliffeqarnermut Inuussutissarsiornermullu Ataatsimiititami siulittaasutut toqqarneqarnissaa innersuussutigineqarpoq.

Isumaginninnermut, Suliffeqarnermut Inuussutissarsiornermullu Ataatsimiititap inassuteqaatit akuersissutigai Charlotte Ludvigsenillu siulittaasunngornissaa akuersissutigalugu.



Kommuneqarfik Sermersooq
Aningaasaqarnermut ataatsimiititaq

Ulloq: 24. nov. 2016
Qup. | 44

Ilangussat
Soqanngilaq



7. Immikkoortut matoqqasut

07A Kommuneqarfik Sermersooq sinnerlugu IMAK aamma Namminersorlutik Oqartussat akornanni isumaqatigiissuteqarneq

Ilisimatitsissut

J.nr.: 16-2-07 - 2008

Aningaasaqarnermut Sulisoqarnermullu Kiffartuussivik - pisortaq Lars Møller-Sørensen / LMS



8. Taasariaqartut allat

9. Imaqarniliap akuerineqarnera